

陽春縣志卷之十四

藝文 勅 記 傳 頌 銘 詩

志地之書曷為錄藝文也曰古者輜軒所至陳詩以觀民風藝文者風土政教之所繫胡可遺也夫言無古今哀諸典要作者綦富擇焉貴精彼風雲月露之詞連篇累牘則誠無取焉耳陽春雖蕞爾邑然自宋元以來官斯土寓斯土暨夫產斯土者大雅小雅材無慮數十家論古則有文紀今則有文登臨覽勝則又有文靡弗韻流管絃辭潤金石揆以有神風教之義不無離合而甄而錄之要多足以備輜軒之採為一方文獻徵也紀事之作或大醇小疵存俟攷證不敢芟削云

勅

充春州軍事推官兼知本州王孝叔制勅

宋 王安石

孝叔南方荒遠之州吏多憚往而爾請行焉故
官 兩祿賜而以勸實隨其後往其勉矣思又兆民
記

晉州記

皇祐二年薛利和河東
平州守

晉州分為四等曰

北口團練曰刺皮而居焉
分野自秦通五嶺置南海郡春
漢置恩州唐爲南陵郡領陽春羅水二縣版
戶萬餘隋以其地統於高涼五代多故劉氏竊據
嶺表開寶初王師討平得州四十餘以流南羅水
入陽春以勤之傅林入銅陵隸屬數年土人叛民
罹兵火十亡八九合一州計戶僅登千數景德中
本道轉運使以州之古城水土惡弱遷於銅石俄
又徙隸新州越數歲復歸於舊從民便也西北陸
抵京師六十有三驛東北水漉大海總百餘里環

陽春縣志

卷之十四

藝文

二

山遶林襟巖帶洞夷獠雜居其地土下濕宜稻梁
比力穡外常優逸自足其封域所載射木山以爲
望漠陽之江以通舟楫巖泉有甘婪之奇石穴有
金膏之異其物產不過橘柚猿狙之類凡富商大
賈無因而至其地卑且煥歲多疫四方之言瘴癘
有以春爲稱首故凡補吏得罷必加優賞天子祀
明堂歲河東薛利和來守是州新南樓以奏鼓角
節動靜也修城門以謹關鑰防奸宄也建廟屋以
閣勅書尊條教也葺甲庫以藏兵器謹戎律也修
勸農亭敦政本也造招商院恤逆旅也起舊補廡

踰月告成以山川方物之常古昔廢興之蹟礮石以刊使後人守是州不須索版圖詢耆老至而有考焉

鄉貢進士題名記

明永樂七年翰林修撰

梁

潛

廬陵人

廣東百數十年之間功業文章之士蓋與中州並至於土地之僻陋瘴癘之深毒如肇慶之陽春雖偉奇特達之士亦少見不但文章然也豈其土地風氣有以汨之哉抑受命來治其地者以其地之惡也教化薰陶之方多苟且不盡致其人之材質無以自變耶嗚呼天之降衷嶺海之遠齊魯之近

陽春縣志

卷之十四

藝文

三

同也豈獨陽春有異哉夫陽春由秦漢至今千數百年其人明禮義而服教化久矣何獨文章功業之士未有聞者考之前志皆然豈常有之志者不知採錄哉比來予令是邦數月得番陽吳公子育爲之丞子育善文詞暇日必相與課諸生爲業有崔生臆者能爲文予二人皆許之去陽春六年而子育來京師欣然告予曰崔生以戊子秋舉於鄉而中於有司蓋陽春能以文詞舉者始自崔生前乎此未有聞也子育遂礮石爲題名俾來者有所觀以予嘗爲令陽春識崔生一屬爲記嗚呼子育於

陽春之士用心厚矣使子育得用心於齊魯之邦其功效當何如耶使後之治陽春者用其心如子育德行美材之士焉知其不顯揚於時陽春雖陋不陋矣今子育幾三考將去陽春不知繼此而治者尙有若人否也惟皇上化被幽隱如春至氣達陰嵯寒谷物無不暢吾知陽春自此負道德抱文詞而進者當復有人未止此也諸生力學當以崔生自勉無以陋自棄是爲記

重建陽春儒學記

正德十五年
肇慶知府

黃

瑗

晉江人

端州小子一日蒞事於堂有一生愼乃儀趨見持

陽春縣志

卷之十四

藝文

四

圖而告曰茲重建陽春縣儒學圖以尹之命而進乞識之因披圖起視中爲大成殿制度森嚴旁翼兩廡朴而不華壯而可久殿之外崇乃臺又修廣乃庭前爲櫺戟門殿之後爲明倫堂堂之左右兩齋書室以次而序士之藏修游息有其地喜曰美哉是役乎茲亦天下通制生拱而進曰陽春山邑事多廢矣夫子之廟敝壞者久風雨幾若無以蔽又何有於學之堂歟兩齋學博與前尹厯未能及吾尹視縣未幾瞻睹之際惻然甚不敢以自安若有所喪焉茲從而更新之規模恢拓視昔尤有光

端州小子曰有是言聞以端州爲萬山之中諸無
部衆與土賊嘯聚出沒虛測民弗安生尹安
遠事此生日以盜不弭則教不興教不興則亂由
作又無怪乎焚劫攘奪之炳之熾也故視事之初
抵諸徭崗殲醜獲首安其來附者境內肅然而於
急遽蒼黃之際經度謀畫急於爲是民感其惠有
以觸其同然之機趨事赴工弗戒而集有不覺其
成之易者端州小子曰有是哉是之謂急先務教
化其興乎夫學也者所以講明吾夫子之道者也
吾夫子之道大非吾與子所能述亦無待於述也

然嘗論天地間萬形皆有倣惟是道生生而不朽
蓋會天地體萬物貫古今而獨靈者吾夫子道之
主也靈之至也先得萬古人心之所同然者事功
過於堯舜其不朽之盛也故雖不能尊其身於氣
厄之時而廟食萬世與造物者相終始不能行其
說於齊陳魯衛之間而其道如日麗天如水行地
其身雖沒其靈不朽至今自國都迄於海隅僻壤
皆知尊其正而崇其教則自隆其報矣雖夫子亦
不知其身後之尊且榮之無窮如此也則今日之
所建蓋有作某所不能不作非尹之所能亦非三

之所得而識之也抑又聞之縣尹是舉有猗猗連
木以相資聖人有言曰言忠信行篤敬雖蠻貊之
邦行矣此可見尹平日之忠信有以服於猗猗之
心而夫子之言尤可信而不誣也是役也作於正
德丙子歲夏六月落成於歲之秋九月縣尹黃君
名寬端州小子名瑗與尹伯仲閩人也均有興學
之責而又有不容辭焉用以命於後

藥谷愚木記

嘉靖二年
廣東副使黃大用
莆田人

木出春之西山不知幾千百年物矣癸未仲冬余
邁水溪上見其奇狀命土人黎東海舟而致之行

陽春縣志

卷之十四

藝文

六

臺得天下大觀焉峯岳秀拔巖谷幽邃凡可喜可
愕有難以悉數徘徊瞻視令人情性耳目舒以適
殆忘乎其爲木也磅礴最高岐於西北者崑崙也
蜿蜒而西者爲華東爲秦中爲嵩北爲恒南爲衡
莫不拱於崑崙河源伏流下有陰洞其見爲積石
與淮泗會而入於海皆有之天下之大觀備矣矣
器卽道也崑崙河源君親也德之大也純粹精也
五岳四瀆臣子也德之小也旁通情也高卑陳而
貴賤位矣理一而分殊矣至矣獨怪其不可以材
爲匠石所棄重以余之弗若弗察其進而辱之其

愚矣乎然木以余大有傲也特然而起者吾不如其峻洞然而空者吾不如其虛優然而容者吾不如其大燦然而理者吾不如其文淵然而靜者吾不如其有本沛然而達者吾不如其應用之無迹木也不遇余則誠遇矣顧得於天者未嘗忘木忝吾前余大有與也反而求之吾身將歷岳瀆陟崑崙窮河源以周八極人無何有之鄉遇其不在我乎余詩贈羅東川有骨鯁可知貫金石心期不朽答乾坤及座右無言道自尊之句蓋用東川賞識深意况東川以已觀物隨在可作如是觀也余未

晬而孤未志學矢所持孑然一身以有今日故自號蘖谷識余心獨苦也木顛沛泊沙淵而孤根獨存得無類耶因號蘖谷愚木而記之

留石亭記

嘉靖十二年嶺西分巡僉事

黃澄

春正月甲寅總督兼理巡撫兵部左侍郎兼都察院左僉都御史陶總兵官征蠻將軍咸寧侯仇涖鎮兩廣時維陽春西山蠻寇負固滋蔓貽患最急廼恭行天討閱兵七萬釐爲三軍維僉事黃澄都指揮李森爲中軍由瀧水進屯羅銀右叅政祝續左叅將程鑒爲左軍由新興進屯灣口僉事鄭允

璋都指揮高睿爲右軍由陽春進屯鳳凰拱受成
算尅日俱奮一鼓而擒凡擣巢百二十有五馘魁
從趙林花等三千七百有奇俘執如之罔有遺者
於是復田賦七百二十餘石奠民居一千八百餘
家威德大沛遐邇懷懾獠寇殞膽革心兩廣用靖
夏四月丁巳振旅而還嗚呼昔漢銘燕然唐刻劍
閣考烈徵勞何以加此澄謹拜稽首而志諸崖石
重修陽春縣學記

嘉靖三十五年
廣東提學僉事

江 治 進賢

聖人之道如太和元氣流行於宇宙間雖歷數千
載常如一時雖深山窮谷靡所不屈故其教之入

人也無小大衆寡智愚賢不肖苟有得焉則昏者
明懦者立如草木之遇春陽氣之所乘暢茂喬秀
日異月改有莫知其所以然者此聖人之道之教
夫豈一方之可誣一日之可缺焉者哉國家稽古
崇儒觀民成化遵孔子之道詔天下郡縣建學立
廟以祀之構之堂廡與其齋舍定之規制設官選
俊朝暮誦法焉而夫子之宮牆徧於海內矣陽春
邑屬肇慶僻處南隈環山負陵襟巖帶洞形勢險
逼其地志所云也儒學之建舊矣然歷歲旣久而
有司不加之意故日就傾圮嘉靖三十一年謝尹

復生來治邑事首務學校因以白於諸司計材鳩工舉而新之明年告成乃率學之師生請余爲記余乃言曰夫學何爲也者所以學爲聖人者也聖人教垂百世道在六經舖其糟粕未有不充然厭飫者昔子貢有曰夫子之牆數仞不得其門而入不見宗廟之美百官之富今茲孔廟新成仰聖有所吾人陟其堂階入其門戶揖升趨進望之儼然如在其上固與不得其門者異矣豈不足動其願學之志乎夫修學有司之事也以學自修者君子之責也若其高堂隆棟澠桶閑楹規圓矩方準平

繩直於吾人學問之道固皆有互相發者多士育於學宮已嘗習見舊學之廢乃今又見其聿新焉則遠觀近取觸目激衷自新之機將必有油然而生勃然興者是故歷階而知躡等之戒循牆而審防心之機心齋卽廣居之宅出門如大賓之見求仁以修身及時以修業萬物得陽氣之舒萌芽甲坼敷榮修達熙然於春風和雨之中而有不仁焉者鮮矣如是則有司之修學誠於一鄉之士有助而德成材達拔茅彙征將彬彬然以善聞於天下而無負於邑之名陽春也然則聖人道教之所及信

非嶺海之所能限而今日興學作人之意厥有成
績者哉

重修陽春縣堂竝建後堂記

嘉靖四十五年
按察司僉事 吳守貞

陽春縣治圯弊有年閱今亦屢矣其無遠志者率
避興作之勞往往因循苟安其或有志修舉又以
訕於財力而寢用是浸淫積廢以迄於今豈其廢
興固自有數將亦有所待者耶歲乙丑十一月石
亭許侯來知縣事始下車履政事之堂則見其棟
宇榱題咸朽且蠹焉入室則見其後堂之軒楹墁

壁傾頽無存焉旣而周覽左右縱觀前後則又見
其儲財之庫謹禮之門胥吏之舍贊政之廳土主
之祠申明旌善一亭皆已蠹敗剝落有不可一朝
居者乃蹙然曰縣堂政令之所出而有衆之所具
瞻也圯敝若此匪惟民罔攸瞻且將覆壓是懼尙
可因循爲哉遂銳然以修建爲己任已而又曰夫
堂者官之依也是以聖王之馭世必先寧民而後
卽安焉吾之涖茲土也一政之未敷而寸澤之未
究民尙未有寧宇吾安有於堂於是布德施惠軫
幽恤隱剔蠹釐奸興利祛弊亟進父老問民疾苦

有不便者悉與更始時值西山龐垆二蠻作梗民甚病之侯乃開誠撫諭俾之復業蠻悉傾心向化境內晏然民乃大悅侯曰可矣於是計資歛財鳩工飭匠筮日興事於堂易舊以新而葺治之於後堂則闢其荒蕪而鼎建之又益以川堂若干楹以屬於堂爲延賓之所至於庫房儀門吏廨幕廳神祠二亭亦皆以次興造百手偕作翕日而成計工若干計金一百有奇經始於丙寅暮春之望落成於是歲孟冬之朔厥費取諸贖金而益以俸厥役取之僱募而罔勤民不淹時而縣治燦然改觀矣

夫以數十年廢墜而一旦維新於指顧之間若有不勞餘力者侯之器識才智其過人不亦遠哉維時典幕林懋功率其民伍賢梅芳輩以侯之功不可以無紀乃白於文學蔡君志學役其門人賴生秋顯吳生起鳳徵記於余余惟縣之有堂以出政也然而善政恒於斯弊政恒於斯政善則民安政弊則民殘升斯堂者將無修其弊政以敷善政乎哉後堂以安身也然而晏安恒於斯省躬恒於斯晏安則廢職省躬則知過居是室者將無省厥心尤以求民瘼乎哉川堂以寅賓也然而觀四窗

光明則思以開明其心自焉顧簷楹之平直則思以均平其政事焉言於斯語於斯者將無周爰咨諏以廣忠益乎哉允若斯則茲堂之成也有利於民有裨於治而民瞻斯堂也其善者必將喜曰茲堂之上有嚴父焉有慈母焉有寬吾其愬焉有枉吾其伸焉有不善者必將懼曰茲堂之上有禮樂焉有刑政焉非法吾安敢爲焉干紀吾安敢蹈焉民於茲堂而愛畏咸於是乎在則茲堂之成且將恨其不日新矣如其不然出而登斯堂也而將以病吾民入而居是室也而思以肥其家民將覩斯

堂而疾首焉則雖結以衡柴履以茅茨藉以土階君子猶以爲僭矣而奚取於重修且建爲哉許侯君子人也觀其興大役而非以逸已奏膚功而不以勞民其成斯堂也有道則其居斯堂也必不苟矣是不可以不記俾後之人亦有所觀而感焉侯聞之晉江人由鄉進士蒞茲任諱宗承字大攢石亭其別號也

學田記

隆慶四年
本縣尹 熊烈 富川人

熊子蒞政之明日釋菜於先師詣學宮進諸士商德業究典籍而得學田端焉詢之博士李君曰此

伍賢氏義贈者也曷故曰以資多士其人由儒而
隱蓋齒德冠於鄉而養於庠者也能子曰若然則
耆老通儒矣孟子曰無恒產而有恒心者惟士爲
能耆老而通儒奚以資爲李君曰農人藉耜以俶
載百工備器以利用士之恆心得於天而完諸已
者雖無事於外假然而文房之具稠秩之資有所
需而無餘顧諸生得以一志專向功業與農工之
於器則一也耆老之義可少哉熊子喟然嘆曰耆
老用心於多士蓋周矣哉天畀之吾有之父師訓
迪之而或移易焉殞穫焉已不可謂士矣矧乎登

陽春縣志

卷之十四

藝文

三

禮門由義路藏習乎進修之所優游於明倫之堂
誦法於聖賢之德行復得資於是焉能不感之而
益勵與雖然不待教而興者尤熊子所望於多士
者也乃若披儒服羣燕好尋紅爭紫居約而濫處
樂而淫其於存養省察之學漫不加意已非國家
建學育材之初意矣耆老曷爲而贈耶多士尙思
所以無負哉田佃竝勒於碑陰耆民太平都人熊
子尙其齒德榮之以冠服今稱壽官云盤石其隱
居也儒學教諭安溪林彥佳訓導湖口李景清立
新建尊經閣等工記

撰

人

見記末

隆慶壬申熊侯烈奉少府郭公檄建尊經閣於明倫堂後癸酉捐俸置山口田租二石四斗歲入爲諸生會課資又治錫爵並簠簋以充祭器萬厯戊寅毛侯汝起承少府蔡公所遺贖金益以已俸創蓋明倫堂兼修廟廡又買學前民地直抵城基大闢雲路仍同贊政黃君文莊別捐磚瓦結櫺星門創敬一亭移泮池於黌門外咸新厥制千載一時卽賓等亦得悽悽然効微力天運人從春邑學校其有興乎郭公名文通保定人蔡公名懋昭華亭人熊侯毛侯俱西粵人黃君則閩人也記人教論

大田俞洪賓訓導歸善黃製

陽春黃侯去思碑記

萬厯八年
禮部尚書何維柏南海人

萬厯八年庚辰黃侯來令陽春春端州屬縣也越十三年乙酉晉廉州二府去之日民之遮道擁留者以千萬計留之不遂繼以思思不已復共擬樹碑以垂不朽於是耆民梅芳黃思嚴叔偉等特請文於余余豈能文者哉顧表揚德政又余之素心也從而詰楊生梅生日令茲邑者獨黃侯已耶胡獨黃侯去而思也楊生梅生日令茲邑者不獨黃侯民

德如黃侯者獨無二黃侯也始吾黃侯下車時適大兵蕩平之後城郭荒涼人民凋弊黃侯則以整齊治化一任諸已故他務未遑首興學校百廢未舉卽課農桑學校興而俗皆禮義之士農桑課而邑盡飽煖之民譬猶鬱蒸之後扇以和風陰翳之晨濟以皓月也且保民如子視國猶家起弊更新咸孚衆志辨奸理枉極得輿情市井鄉落中之孝弟者豪強者罔不禮敬而黜刈之間有訟之涉於疑似者則展精聚神和氣平心以鞠之庭無留訟囹圄空虛故謂之府君公諡公相臺梅公鄧公駐節

松臺廉侯政績咸加美譽則侯之所以獲知於上者非徒爾也侯生平一厚操守冰霜諸所羨餘纖毫不入私室蠲田凡學歲計穀五百餘石上爲先聖時祭之需下惠諸生一蠲邑之費初郡士未嘗業禮侯釋菜後卽以禮延旨義授諸生自是郡之士皆精於是經矣侯之作士化民大都如此悉數之更僕未易終也余曰侯之治陽春以之治吾粵可也侯之化一邑以之化天下可也民于其去而思也有以哉有以哉夫思者非無自而興也感于心則思觸于情則思見于事則思今侯之于民也

分雖有官民上下情則猶父子家人天下豈有當
父子家人之辭去而不思者况侯之德政洽于民
者深且久耶故睹學校之興則思曰黃侯之所以
教育吾民也念農桑之課則思曰黃侯之所以生
養吾民也孝弟者被其禮敬則思曰黃侯之所以
勸我也豪強者被其禁罰則思曰黃侯之所以懲
我也學田田置多士思美無作之仁經旨傳生徒思
其敬迪之義余故於侯之德愛黎元而比之相鄭
之子產作與士氣而比之龍圖之文翁卓魯龔黃
誠以迭駕而並驅之者于公治獄不枉後門閭壤

父老方其治之乎至其治之大其門閭令容高車
駟馬我治獄多德于孫必有興者後子定國爲
丞相定國子丞爲御史大夫封侯今侯父菊山翁
年躋耄耄以養之志守禮節備人至今思之猶春
人也侯仲子去秋舉子第今春以魁禮闈入館選
無非侯善政之報也且侯館祖寬會合是邑繼判
端州所治皆廟食侯之家學相傳信有自矣韓子
云莫爲之前雖美弗彰莫爲之後雖盛弗傳美而
彰盛而傳侯之謂也侯去矣民思見侯而不得故
思見其碑則是碑也不將以名伯之棠萊公之竹

並芳青史者平侯名憲清字以憲號雙江甲子鄉
進士福建溫陵人

陽春縣學田記

萬曆十二年陳萬言
江西右叅政南海人

陽春縣學田始于兵憲王公為郡守時檄縣尹黃
君相與成之惠上也高皇帝定鼎詔天下郡縣

廣置弟員職之以誦儒養之以詩書禮樂復其

才豐其廩饒恩產矣末司置田也茲何昉乎考

不盛時濂洛明島需輩出講明正學則有睢陽

石鼓鹿白西門人學士聚講于其中有

司者設田

事有典藝流非其所聚學非其所學

外學校以私黨背經傳而倡浮言者使躬

實于四方書院鞠為茂草院田没于

豪上近採臣議屢詔端士習正文體

以神實用今釐天下書院而一歸之學

以息邪說舍春花而貢秋實德意蒸蒸

在外復得以佐天子育賢才者惟良二千

石乎若我兵憲王公可謂良二千石者其人也公

先郡時歲壬午冬邑民黃裳舉家罹劫賊既

靡無所歸黃君覈其遺田若干以事白於公公

其遺租頒之黃裳惟父及義男女凡若

以諸田租五百八十四石有奇諸

四分有奇遂歸陽春學中與

諸生有石

諸

諸

諸

諸

諸

諸

諸

諸

諸

諸

諸

諸

諸

諸

諸

諸

諸

諸

也

也

也

也

也

也

也

也

也

也

也

也

也

也

也

也

也

也

也

也

也

也

哉是舉也決策者王公上其事者縣令黃君而府
倅董君朱君節推唐君均有以贊成之也田既定
學博羅兆旗朱家相介楊遇時來請記萬言不佞
誦王公之義樂爲之記王公名泮山陰人黃君名
憲清晉江人

育英堂記

萬曆十二年本縣尹張文誥溫陵人

萬曆乙酉誥來守茲土甫入治矚顧山川瞻盼氓
黎見其草木薈翳田地廣瀉獠獠盤錯其中斯民
婦子嬉嬉袖手諸人士博衣緩帶袞然莊誦而越
吟也迺私心自慰曰所謂海濱鄒魯非耶經亂以

後瘡痍甫起噢咻而生全之者吾事也吾責也履
任來百凡吏務皇皇然惕法之所在豪強必伸情
之可憫過誤必恤里甲派例毫不染指乃其崇聖
訓興學校尤日夜所注嚮焉世宗首出神聖闡註
訓彞敬一箴亭具勒春校炯如矣顧亭宇圯頽日
久碑箴仆地跡其初址寬不盈丈高不尋尺豈居
尊體哉誥自捐俸金移建于尊經閣後棟宇聳翔
規制恢廓詳載學志卽聖訓亦重揭于日月矣青
衿士瞻依密邇詎不抱帝臣之願哉自崔莫一二三
君科第以來儘百餘年寥寥無聞寧獨其氣化厄

哉蓋亦士風靡也夫士出牧井而序之儒林眸周
孔而喙典墳家詩書而人禮樂環橋蓋斌斌已第
所望於士者爲其澄慮凝神以嚙道真也乎抑譚
枯竹而飾鞞悅也爲其專門遜志以臻理解也乎
抑甘跣蹠而趨歧徑也邇來天威盪定四疆告靖
風氣漸開文運日熾正彙征之昌期穎脫之盛際
也爾多士之振作不患于無其時矣文宗作興士
類科舉進額稍增于初而良司牧各置學租以充
油火諸費爾多士之振作不患于無其人矣子夏
有言曰百工居肆以成其事君子學以致其道肆

者工之需也工不可虛此肆學者道之致也士尤
不可離此學春建學尙矣獨操觚較俾之地闕焉
未講將注厝而作興之者有俟于後人耶誥承乏
其地愧無以爲多士倡敬以其事謀諸司訓羅君
佐學韓君誥自捐俸金暨諸生緣募共銀二百餘
兩與居民賀熾兄弟買屋于學後畔建書房一座
東西兩旁數十間前堂曰育英高丈九尺五寸深
丈七尺廣五丈五尺天井東西五丈五尺五寸南
北二丈六尺八寸後樓高二丈一尺深二丈五尺
廣五丈六尺五寸天井東西五丈六尺五寸南北

三才經營告竣舍宇恢宏爾多士何患于肄業之
無地哉每月會期六鳩多士較藝其中膳餼紙劄
支俸辦給爾多士其惟勤毋怠惟專毋放惟耽嗜
文藝毋玩愒歲月顯科巍第陟要宅樞俾後人撫
斯堂而命之曰是甲第藪也誥亦與有光哉是役
也與于萬厯丁亥歲秋九月落成于越歲戊子春
二月首議則不佞誥也誥溫陵人時掌縣事羅君
兆旗南海人時司庠諭今遷新昌令韓君懿迪文
昌人時佐學導均贊勳是舉焉督率程工則蔡生
應春揚生南垣梁生奕梅生萬達各與有功例得

並書是爲序

重建陽春縣堂分司學門坊館亭樓彙記

萬厯十九年進士 王 仰

鄂渚人

陽春縣爲古春州環山遶林襟巖帶洞徭氓錯落
劍犢襍處斯險枳區也明興隸于肇慶聖化孚洽
賢令撫綏迄于今風氣開人文著朝誦暮習人士
彬彬卽方之中土曷遜焉以故縮綬而至者輒爲
嶺表稱最萬厯庚寅西蜀秦君捧檄茲土里甲不
擾政令無苛一切吏事凜凜然惕茲牛刀小試之
大槩哉惟視堂署門楹亭樓齋祀敞層越竊以爲

銳意作新而勞民以力役非忍也乃捐俸錢若干
緡益以贖刑之金爲修葺曹故者飭闕者興斲者
聖者斲者藻者犁然而羣一畢集會不逾年咸改
觀焉比余奉公春境則見田野沃饒山川翳秀人
民麗都心竊嘉之士夫父老欣然謁余丐余爲記
以鐫之石余不獲辭乃言曰秦侯政孚于民福庇
于邑豈徒爲是粉飾炫燿哉彼其行署則飾縣宇
則飾大居尊而莊以泣也賓館必修儒門必修儼
見賓而隆作人也至于嚴更而重表揚則鼓樓牌
坊以次修葺昔陶靖節宰彭澤張忠定令崇陽更

置不知其幾而循良譽迄今不替誠重之也夫移
風易俗悉自恤民作士中出涵濡漸染儒者遵孔
孟賈者效陶朱教化浹洽民生殷阜熙熙怡怡有
不知其自者乎區區營荆之政猶其小焉者耳今
天子總攬萬幾綜核名實異日者秦侯政成躋臚
仕炳華樞功垂九垓聲施奕禩今日之堂館行將
觀之若甘棠餘蔭矣秦君其名父乎陽春其南國
乎遺風流澤千載一時此其券云秦君名劉允別
號麟臺壬午鄉進士西粵馬平人

王侯詳止開鐵碑記

崇正九年吏部員外郎

梁應材

邑人

管子曰山澤不救于火草木不植其成溝瀆不遂于隘五穀不宜其地國之貧也牧民者亦務明其幾之所自伏而使之無弗救焉弗殖焉弗遂弗宜焉而民治矣吾春萬山環峙接連瀧水高涼而距邠遠地僻民淳殆有古遺風邇來奸民視爲利藪有大害者三隱憂者一欄下牛餉他邑所無春則有告承者矣強盜扳良他邑所有春則有甚焉者矣牢頭酷虐他邑或有春則有恣行者矣識者以爲地多棄土賦有逋亡職是之故非得賢令曷以燭其源而瑾其竇耶太倉王侯來蒞吾春余待罪

銓曹聞侯政聲盈耳闢雲路而士路興置器械而守禦備所稱牛餉之害則慨然捐公費抵補之扳良之患則獲盜卽審株連者悉赦罔治猶慮黠囚之指使也建縣監以隔別之禁卒無食之不可久也前俸百金買田養贖之舉向時積弊一朝悉除盜息民安方賡樂只無何而移爐煽鐵之事起矣奸商陳盧興串土宄張孔德湛仰池假別宦名色煽呈當道欲取鐵於邑之鸚鵡山夫國家鹽鐵之筭關夫軍興然必深山窮谷礦木俱盛無害於民而後可若陽春之山不但從來無鐵卽彈丸五里

豈堪供此焰列耶檄下之日士民洶洶呼籲無從
侯乃進父老而慰之日爾民無恐憲檄不云乎果
否無礙於民無傷風水期於妥便則上臺固自留
心於民瘼耳盍請於是紳士里民有八大害之陳
侯猶以未履其地未悉其害集父老躬詣山場度
形勢則鸚鵡邑龍脉也山之林木兩都民田水源
也權利害則人民錯居墳墓雜著土焦水涸蹂躪
鬪格此禍機之可見而有形者也孤城無餉無兵
勾犛生亂盜賊聚興此禍機之內伏而無形者也
誠所謂隱憂也侯爲之列四不可上於司理阮公

轉詳報可仍捐俸給山價原主撥田入學爲歲租
永杜奸謀四民權呼咸思勒石以識不刊適余以
抱病請假歸里驟讀移爐詞汗幾浹背及見侯與
諸當道覆允之文始手加額爲春民賀蓋民之困
於牛餉盜扳後之君子卽神明未必如侯猶或能
過其橫出之虐獨鐵爐一開山澤焚矣草木枯矣
溝瀆涸而五穀敗矣且夫開山煽爐實繁有徒彼
夫亡命生事釀亂焉有旣耶茲侯以鼎力冰心潛
消禍萌俾室家婦子獲有寧宇田園廬墓安堵如
故伊誰之賜卽將來坐堂皇而拊綏樂郊之氓又

誰非侯之垂休燕及乎此其功德又在抵牛餉設
輕監禁供板與夫繕甲兵建練場之上也昔零陵
之復乳穴柳柳州記之爲其便于民也乃毀一象
祠辯一息壤何與民生事而亦諄諄勒記毋亦以
能使人心不惑則功在不忘况侯爲春興不朽之
利草無窮之害哉侯名魁春號宇皆南直太倉州
人

重修明倫堂記

國朝邑
司訓 劉士課 新會
人

春邑學宮之有明倫堂其來舊矣歲久不修遂多
頽圯牆墁剝落椽桷朽蠹簷瓦之飄墜階下者堆

積而不除官司之環集生徒之聚議于斯者幾無
以蔽風雨康熙二十一年予與司教張君忝居學
職大懼堂宇不修何以肅觀瞻起惰廢于是進諸
生而謀之遂以告于縣尹祝侯侯留心學校先是
旣捐俸葺廡廳繕星禮門義路諸處俾宮牆復輪
奐之舊矣至是益捐貲復繼以罰鍰邑之紳士罔
不樂助予二人亦分減苜蓿其勦厥美庀材鳩工
蓋瓦之缺陳者易之牆墁剝落椽桷朽蠹者盡更
而新之黜堊丹雘煥然改觀由是官司之所臨洫
縉紳先生與諸生之所處前有宮牆之壯後有堂

宇之邃松栢挺然旅樾閑然當必有顧名而思以無負

朝廷設立學校修明人倫之意者是役也前後董其事者邑庠梁生焯殷生鼎柯生日宣胥昕夕不懈其屬工匠課章程則殷生之勞居多焉祝侯名利見浙江處州麗水人教諭張君名文明廣州新會人紀其事以詔後來者訓導劉士課時康熙二十有二年仲秋之吉

遊崆峒巖記

濟陽知縣

劉裔焄

邑人

吾春崇石林立石多穿洞其最奇者崆峒巖以其

陽春縣志

卷之十四

藝文

美

嵌空玲瓏且有洞穴因而名也余齡年逐侶遨遊陟孤峯臨絕壑盤桓終日輒飄飄欲仙然于曲折處久而漸忘己未秋予復與梁子藥亭屈子本庵逍遙其間則見石壁陡峭巖勢穹窿溪澗凝蘚霄漢隱虹藤蘿上覆穴溜下通高巖之半洞開一穴東西透闕深廣數十丈空靈超曠可容數百人有怪石嶙峋橫欹洞口半懸山腰水痕漬碧斑駁異態中擎二柱積累而高形極奇巧其覆石倒垂似人物山水狀幽峭甲于他洞懸處常有水滴輕風飄之若雪花繚繞下散曉巖玉筍纍纍不絕所聞

玉乳者也其最高者曰第一峯巔岼萃律羣峯俯首儼朝宗焉登絕巘則見銅石巖潭西巖石窟巖近則數里遠則數十里咸羅列襟袖間憑高遠眺白雲不飛烟光欲紫撫茲勝槩洞心豁目緣蘿而轉爲青雲路嵐氣吞吐與旭光相亂碧綠萬狀微雨則雲從地出霏霏撲面而去旋折數十武卽獅子巖石磴錯落星列碁布如金毬銅頭黑白相間其上爲文昌閣野花絢郁紫氣照耀巖洞洞上有橋橫度兩壁上下空曠正而直平而潤寬數尺長三丈許曰登仙橋洞前石畔下有芝床平鋪如席

床厚僅尺許其下虛空床皆作芝草形後穿一洞尤極幽邃秉燭始能入白石璀璨如金銀瑩淨而常濕有石花如蓮蕊其下有泉滃滃然澄潔可鑑泉際石形宛如螭螭足背俱顯左側有瀑布石罅飛湍龍涎作雨望之如素練其下有龍井深不可測溜泉時滴過之微雨沾裾寒威逼人右有懸石二叩之錚錚然逢逢然其聲相應遊人目爲石鐘鼓徑仄石劍攢甃西枕奇巖有洞如門闕攀緣而上仍可外望所云有金膏銀液靈芝玉髓處也余與諸子螺旋而上履滑窮幽搜訪古蹟如望蜃樓

如遊蛟室頃之虛谷傳響萬壑龍吟如遊鈞天如
聞廣樂塵心頓空形骨俱換洵洞府之神宮九天
之玉宇也乎使茲巖得近中州騷人逸客吟賞其
間當與洞庭西湖鳳臺燕磯爭奇角勝何至苔埋
菌積不克大著於天壤間哉自古神臯奧區每因
人而著余非能爲茲巖重者顧靈奇怪特實足以
傳故爲之記

第四崆峒山記

肇羅道

彭端淑

丹稜人

陽春於肇慶爲屬邑余嘗巡察其地升高以望雲
靈天馬了髻鸚鵡諸山四面環拱巘岼峯嶺烟雲

陽春縣志

卷之十四

藝文

三

渺靄若海上三峯可望而不可卽近郭十里怪石
離奇稜稜千仞其最勝者莫若崆峒巖考舊志巖
固有洞迤邐幽邃前後有光中有飛泉飄洒長橋
空度天柱高擎芝牀平布瑤草瓊花金膏玉乳懸
鐘列鼓龍盤虎踞蝙蝠如鴉倏散倏聚又有廟宇
森嚴亭臺聳峙遷客騷人留咏於此予方思一遊
爲快而因公未遑遂使當前失之其可慨也巳邑
令姜君山涖政之明年政通人和以其暇登斯巖
而異之闢其洞門稍加修葺隨勢布景數月落成
乃繪其圖以問叙於余且請題其名曰第四崆峒

山世傳黃帝問道於崆峒其山在汝州臨洮安定
因之以名今此巖靈奧不減諸山焉知其先不有
如廣成輩棲托其間耶余旣心慕之而不獲一遊
而又嘉姜君能理新之不使一邑勝地委諸荒榛
蔓草中亦賢有司之事也遂不辭而爲之記抑韓
昌黎爲太原王公作滕王閣記自云欲登其閣而
願莫之遂其後移刺袁州南昌屬邑又無一事可
假而行記雖成常以爲憾其事殆與余類云丹稜
彭端淑樂齋氏記旨乾隆二十一年四月朔日也
重修城隍廟記

本縣尹 姜 山
單縣人

陽春城隍廟建置自前明迄今興廢迭易隘不壯
觀非所以答神貺也洎茲土者率因循安之豈廢
典故有數耶抑有所待耶歲甲戌七月余來知縣
事下車瞻拜已怛然心動迨後雨暘虔禱無不響
應興修之志愈難已旣念余治春有年維士與民
俱以余無繁苛頰稱相安余捐俸首倡猶不欲以
此舉擾吾民乃邑商候選州同朱文讓等連袂前
日舉大木者呼邪許商爲之易事也商一十六人
各樂助錢一十七千於是鳩工庀材筮日興修新
者創故者飾斷者墜者斃者藻者犁然畢集易舊

以新無不葺治神像亦一新之曾不踰百日咸得
觀成焉是役也經始於丁丑之春三月落成於是
歲之秋七月首議則不佞山也

陽春縣那旦館舍記

明經

呂

伊錢唐人

大司徒遣人之職其爲都鄙郊野之次舍者有十
里三十里五十里之分有廬有舍有候館之別有
飲食與委積之時蓋司空平道路圻人易宮室居
者行者俾各得其所聖王之制則然也那旦之地
彈丸耳有捐建橋梁之余雲昇而復有捐建館舍
之陳宏士夫雲昇之建橋也爲行者計也是司空

陽春縣志

卷之十四 藝文

三

之職舉也宏士之建館舍也爲行者計而兼爲行
者之居計也是圻人之職舉也一地而得兩人焉
風何古矣古之爲循吏者其所爲謹關梁修堤塞
繕完公私傳舍之頓宿者豈皆其人自爲之亦必
有如陳宏士者爲之爭先恐後故於今傳循吏之
績於不衰向使有建橋梁之雲昇而無建館舍之
宏士荷擔而露處已耳烏能節勞逸而備蓋藏哉
嗚呼一葉可以知秋一斑可以窺豹春邑之民倘
盡如宏士之急公好善者乎觀於鄉而知王道之
易易其說爲益信矣

增建瑞雲書院記

水縣人 王鵬鵠

春邑之有瑞雲書院也其始爲育英堂前明邑令張君文誥所創建也後更名聚文樓而增飛雲樓於其後久而圯又改聚文樓爲瑞雲書院其地在學宮後說者以爲賢宮後鎮云歷年延鄉之先進爲之師如林聞譽譚予芳王獻猷諸君子皆知名士也春邑古稱瘴癘區風氣樸陋功業文章之士亦不多槩見自崔莫一二三君相繼登賢書嗣後科第連綿人文之盛駸駸日上庚午春余來守是邑先後聘邑孝廉譚子敬昭劉子世探主講時與諸生課文藝講德行期爲有體有用之學諸生蔚然日新發名成業者接踵而起如馮子秉篋之舉於鄉李子才紹之雋於選士皆卓然不可限量邑之士君子因舊宇之隘慮本學者無所容也思擴其規模來言於余余謀諸司訓李君煥猷岑君理爲引言勸捐紳士商民踴躍從事癸酉春諏吉興工僉以

崇聖宮垣宇窄狹不足昭恭敬且在賢宮外于祠事不便因於賢宮後殿以崇體制而以其地爲大門高一丈六尺廣三丈六尺七寸深二丈五尺

房四間中爲講堂高一丈廣三丈六尺七寸深三丈左右房二間後爲文昌樓因前縣李君永青所建增葺之高廣悉如舊游息之地藏修之舍庖湫之所莫不備具甚盛事也越夏五月工將竣予適以病請去諸君子求記於余余惟書院之設與古鄉學相類化民成俗莫先於是宰是邑者均所有事焉今旣資衆力以有成而課士之規修脯膏火之所出次第籌畫請以俟之君子余復何敢與知獨念士之所以爲學凡以學爲聖賢非徒學爲舉業以弋獲科名已也而道之顯者爲文因文可以

見道必有得於道乃可以發爲文詩書六藝聖賢之文卽聖賢之道聖門四教文爲之首文章性道理本一貫故昔人論學文爲身心性命之事知言養氣居敬窮理胥於是乎在有學爲聖賢功夫自有立言應舉實際以是爲教以是爲學士習何患不端人心何患不正民風又何患不淳余承乏三載知是邑人才之可與有成且期以遠大額其堂曰志在聖賢並約舉爲學之要以示諸生俾知所從事是役也余倡其議李君岑君贊成之而督率經營則林君宜鐸李君家翰何君廷鑑鄧君錦中

馮君秉篋之功爲多云

建修陽春學西齋記

邑司訓 陸樹棠 信宜明經

嘉慶丙子冀部選承乏于茲年踰致事矣家有郭
外田足自給課孫讀可以娛余胡爲來哉顧念先
君子曾司鐸于潮又以所學者欲與諸君子一質
証焉勉于行非久計也旣蒞事見學署二進棖折
瓦毀內堂後牆一帶斜裂爨火前薰外堂屏盡朽
左右牆牖風雨剝落岌岌動搖旁廢房一間業傾
圯矣署故隘加以破漏無函丈從容地乃自捐貲
就旁平基建屋三進進三間內外所需備焉繼工

正署易敗牆更椽桷修屏門新堊墁中增甬道以
廣內堂前移窗檻以廣外堂凡十逾月落成于是
與諸君子講習其間或謂余曰官署猶傳舍也學
署猶冷舍也是以前之人莫之爲今子爲之若非
旦夕謀然自爲乎爲人乎余曰天地逆旅光陰過
客由子言推之莫非傳舍也且夫人身之所處本
無分久暫自常人視之或爲虛或爲實自達人視
之則無乎非虛而自君子視之又無乎非實也素
其位而已余位在敷教未之能也而願爲之基爲
所當爲又爲所欲爲則必慊于意而後已焉若夫

基在勿壞器不徒存余髦矣將愛吾廬後之來者
以爲傳舍耶冷舍耶乃卽語或者書以誌斯署

重修來鐘寺碑記

邑庠士 楊開鼎

北河地高而多山其流清而駛劃厓越谷底嘯天
龍嶺下始就平夷而松柏水角諸溪從東而注石
岡之水又蕩漾西來合流屈曲紆縈七八里復折
而南與灣口長溪所謂西河者匯而爲一復邈運
東南行至合水以達漢陽江方西北河匯之處旁
有一岡隆然起於原疇之內若頽而臥若蹲而伏
若濯足於清澗而鸞齒於寒流也上有來鐘寺幾

成古剎矣每當雨歇西山斷虹猶掛曉鐘撞罷扶
欄決背見夫雲水空濛巒無缺絕乍聞柔艣一聲
揭霧而出半葉風帆掠簷而上下南望則松竹飛
翠禾麥盈阡瓦脊鱗次晨午炊烟如萬縷白雲蓬
蓬混碧中東則山勢蜿蜒奔注大溪迴首屹向環
以石峯崩劣衙排天半如貴臣執笏朝闕如大將
鑿折階屺雄渾之勢令人愕然下視至若日角衝
山霞光倒影爛如濯錦澹灑扉宇蓮漏欲下鯨魚
送響漁燈數點散布於灘灣村落間如五六月流
螢綠綠草薄幽篁倏明倏滅陰闔陽開瞬息萬態

則豈非都邑奇秀之氣鬱結軒豁於其間耶無怪神之棲斯土者靈如響應寺之修而復圯圯而復修遠近懋誠也乃前之人一空所見名之曰來鐘者何哉夫鐘氣應兌秋鏗鏘鏜鞳非若絲竹之清洽石磬之激越也而何以名耶白虎通曰鐘之爲言動也語云暮鼓晨鐘令人發猛省與釋氏覺一切種智復能開覺有情之旨相似則前人所爲振聾警聵喚醒塵世夢夢者意在斯乎若夫樂音嘹唳夜半飛來其說謊誕不足信歲丙子秋仲復因故爲新既堅且好董其事者力倡善舉並分其貲有合焉不可以不記庶後之人亦將聞其聲而感發也

陽春縣志

卷之十四

藝文

三

築修新塘路之石橋是役也與前人勸善之旨實有合焉不可以不記庶後之人亦將聞其聲而感發也

謝孝子傳

劉裔焄

謝孝子名梓春之南鄉都輪水村人也少失怙甲寅秋七月鄰邑賊流劫輪水孝子時年十六出就傳於塾聞其母蘇氏被擄卽趨歸願以身代母賊威以刀鋸加之鞭撻孝子受之恬如也母得脫歸百計謀贖孝子而四鄉皆凋瘵稱貸不足孝子益

被賊捶楚危甚顧賊有憫其孝而不忍加害者居數月陽江尹孫公廷鐸嘉其孝捐俸金助之贖賊有仗義者曰彼異縣耳尙憐其孝吾儕雖走險獨非父母所生乎釋之然孝子艱苦備嘗僅奄奄一息歸見母猶勉爲矯捷狀依依膝下蓋不忍以代母之故貽母慘傷也不數月孝子病不起仍托以他疾其用心亦純矣夫孝之至能感鄰邑之賢宰官而生其敬愛能格荏苒之兇黨而動其慈良可不謂至誠感通者哉噫始以身代母而母脫于難卒能保身見母而相依數月求仁得仁孝子亦可

以含笑于地下矣夫斂手易簣大賢之懿範刳股刺血至人之獨行乃子母生死相代未有若斯之誠切者是豈得于學力耶其天性然耳詩曰誰謂荼苦其甘如薺孝子有焉於是作長歌以慰之

謝烈婦傳

劉裔煇

烈婦李氏春之南鄉都岡尾村李其華女也年十七歸輪水謝槃僅二載甲寅秋輪水被賊刳掠李散髮毀形匿深溝中賊搜獲之李引刀自刎血流遍體賊急奪之不得死李復嚙舌唾血賊面訶罵百端賊遂殺之而李氏得死所矣噫惜哉夫女子

曷嘗讀書識大義而能臨難不苟轟轟烈死節視綱
常爲重視一身爲輕是其得天地之正氣直與古
之忠臣烈士並垂不朽迨賊颺去其夫歸憫其貞
烈殯之近村岡麓朝夕往哭之塚上有榕二株數
月而樛柯交互成連理焉其夫每往則見一鳥悲
鳴樹上若有所待夫歸鳥輒飛去得毋貞魂不滅
依依芳樹者耶噫異矣使李氏生爲男子出而任
家國大事遇盤根錯節時必能殺身成仁流芳史
冊不幸而爲閨中秀僅能全身死節泯沒無傳不
誠可惜哉雖然今日賢司牧採風紀之邑乘播之
陽春縣志

卷之十四

藝文

三

詠歌李氏雖死不死矣彼覩顏忍辱苟且偷生者
雖生亦奚以爲

謝方端傳

翰林編修

馮敏昌

欽州人

古人具不朽之三則可以信今而傳後男誠有之
女亦宜然如陽春劉節母謝太君者爲才女爲節
婦爲賢母固赫赫在人耳目間也豈非具不朽之
三可以信今而傳後哉其父仲坑爲吾粵名解元
筮仕大湖南北有青天之稱以歸州盜案堅不會
印事上達

守永州署觀察直聲震朝野太君其長女也名方端

別字小樓幼失母依父宦遊聰慧善讀一二三過輒
記誦不忘其父甚鍾愛之授以聲韻之學初好填
詞後以爲非正聲乃崙學詩得性情之正著有小
樓吟稿膾炙人口所謂才女者非耶長適劉君宗
衍劉亦能詩有琴瑟倡酬之樂初艱于嗣陰爲夫
蓄姬妾時論賢之其後舉子方三歲夫遂見背冰
雪操持撫孤成立鄉鄰遠近咸敬禮焉真節婦也
其教子也夜紡授經四時不輟故其長子世馨字
菊谷詩文瞻博名噪嶺海少卽見知于翁覃溪錢
辛楣李雨村三學使初菊谷以母詩稿呈辛楣先

生深加歎賞先生旋以憂去其後雨村學使序而
梓之今二十餘年鷄林賈人皆傳誦矣余與菊谷
遇于京師不久卽以思母南歸就教職迎母就養
官署一時門下士皆執贄來謁求學詩太君咸爲
評點時比之宣文君云太君能強記通鑑綱目晚
間無事輒與兒輩論史上下千古而又勤于課孫
有孫士犖髫年能詩文爲姚秋農殿撰所賞識雖
其子若孫克承家學亦太君之庭訓使然也稱之
賢母良不愧爾夫古之閨秀如蔡文姬謝道蘊之
流非不才華炳耀而節與賢無聞焉惟太君兼而

有之信夫不朽之名可以信今而傳後矣歲壬戌
余廬居在籍薊谷適以奉調烟瘴爲欽師與余樂
數晨夕時太君年八十餘矣薊谷旋卽乞養歸里
諸生送者盈道路余聞之由鄉追送三十里並爲
太君作是傳蓋嘉薊谷之孝而更重太君之生平
爲不可沒也

頌

王方伯平流寇頌

并序

明邑
孝廉楊鳳鳴

崇正五年壬申六月流賊實繁有徒竊發羅定
焚劫于分界地方一戰而敗把總再戰而敗守

陽春縣志

卷之十四

藝文

三

戎倣邑戒嚴士女震恐走陽江走新興走郡城
惴惴然無以自定已而賊入陽春駐白花塘攻
大垌石寨不下夜渡中步蹂躪松柏一帶孤城
斗大環列層巒兼之無餉無兵懸絕郡南數百
里外緩急未能呼應勢亦危矣設非兵尊王公
曉暢軍機指授方略縣尊柳公雖慷慨臨戎誰
能憑藉勝算率子弟兵以生獲勾賊之元兇擒
黑旗之殺手使賊駭怖而走李叅戎遂乘其勢
殲之龍灣縛渠魁而肅清報捷哉此一役也九
連餘孽莽伏不可數計方其劫分界時土人叱

以新制府已于某日涖鎮帳下虺武如林行將
殄滅汝賊懼天討必加螳臂難逞附從者陰散
去既入陽春境則王公已破格懸賞立功贖罪
一時脅從者翻然效順並榜示某兵從某路入
賊以是氣奪而中疑兵法所謂多方以誤之先
聲後實一從枕席過者也賢于數萬之師遠矣
鳳鳴時以桑梓事急募嚴獻之嚴禮正黎巨宇
諸人率壯丁如雪夜之入蔡州擒賊吳馬雖不
敢言功顧知賊勢甚詳與王公之制勝最奇而
流恩甚溥當李叅戎之出師也拜于祖道口無
妄殺以殃子孫所以做邑澤有哀鴻野無燐火
離兵戈而登衽席也風鳴筆乏班椽然不能已
于揚厲故爲之頌曰

聖主乘乾文武爲憲外恬內熙金甌永奠荒闢羅
旁結椎不變烽燧一傳疾于雷電旄頭夜犯分界
戈橫禍流做邑草澤震驚金湯肅若子弟連營籌
資元老人倚長城濯濯王公位尊兵使寇在門庭
軍興難已書上繡衣捐金賞士誰與登壇臨淮李
子七星祭禡震疊攸同牙旗祖帳九頓元戎陽春
衽席手造惟公曹彬劍履奕業彌隆藹藹好生流

子肝膽關外同心嚴明旗鼓一戰龍灣彰其神武
滅厥渠魁閭閻安堵兵來陽電勢比連鷄戈船習
戰甲鎖沉犀水軍陸地紀律難齊憑依勝算左挈
右提四鬩鴻靈肅清小醜豈是材官經營奔走尊
俎運籌風生細柳殘喘九連勢如拉朽軍中露布
政遇貴陽熊公開府武庫清霜羣兇面縛鎖伏鴟
張上聞封事再定遐荒浩蕩天恩篤吾西嶺兩借
重臣軍容常整一出旌旗烟清萬井草竊餘生翻
然自省兼之不殺武以止戈昭蘇雨露沛若江河
耕桑無恙酌酒賡歌堯天舜日樂職中和司馬統

陽春縣志

卷之十

藝文

兵虛心前席平寇論功偶與相適頗牧禁中股肱
應藉去矣東人空懸赤烏總爲國計社稷大臣相
歡魚水到處陽春平臺名對謀畫密陳邊崇節鉞
閣畫麒麟

銘

西山銘

并序

嘉靖十三年庚
東提學僉事

田汝成

皇帝踐祚萬宇寧謐南蠻弗靖騷于海隅憑負
谿洞推魁保奸以張祖贊一州九縣咸罹其痛
時惟兵部左侍郎兼都察院左僉都御史陶公
諧祇承明詔宣誠運籌征蠻將軍咸寧侯鳩詰

兵戎奉颺天力迺十有一年正月徵集兩廣
士益以士兵義旅爲師六萬部爲三軍乃掄三
事大夫將軍之良署爲偏裨申令紀律經度馬
步險易咸有成畫諸將受命豫而不愆三道並
進薄于西山之阻剽芟巢窟昏校以搜取其渠
魁以作京觀四月移師東山暨于南鄉蠻獠惕
息虔慄頓伏願完妻子進比華人以兩山之隘
夷爲大途商旅通行馬牛宿野皇帝休嘉議功
褒異將校羣吏願刻山石以紀鴻號提督公讓
弗許咸有退言蓋聞漢勒燕然唐銘劍閣鬱而

陽春縣志

卷之十四

藝文

聖

弗紀是使皇明之隆掩于前烈也敢固以請公
乃許可命汝成緝其事而爲之銘是役也中軍
則僉事黃澄都指揮僉事李森左軍則右叅政
祝續左叅將程鑒右軍則僉事鄭允璋都指揮
同知高睿督餉則左叅政徐乾紀功則僉事吳
大本綜核諸務則巡按御史周煦銘曰

百粵之墟時維絕壤獠獍生焉擾雜虺莽棲崖伏
壑不可羈鞅殘我邑閭遂剽公帑皇帝仁聖化洽
軒虞欲竝生哉擯而弗誅彼頑罔悛益驚而悍藜
也蔓棘以速剗芟皇帝神武眷我炎州旬哉宣其

孰綏遠猷乃命司馬暨于元侯爰整爾旅南國是
柔大慙有愆母殲脅儔桓桓司馬秉忠無競烈烈
元侯臨事而敬乃作三軍以申皇命無縱無貪惟
爾共令桓桓司馬烈烈元侯授任嚴明罔敢不邁
三軍作氣闕如虓虎超出邁谷無煩鼙鼓孰作高
山超不假翰孰謂谿深折葦以斷蟻附蜂屯一駭
而散巉巉狡窟闕爲虛則獲剔叢奧獲彼鯨鯢矜
甲而縛夾斧以來穴曾剗胷披其體肢有降者醜
字其妻子司馬有令毋淫功首萬乘無譁罔敢先
後乃暨元侯躬歷近畝嗙喚瘡痍開釋穉婦粵人
載喜如醉之醒歸衷孔明彼逆而死我順而生惟
二公之仁達于帝庭粵人有言亂不可嗜各保爾
領毋越天軌作善者生作惡者死惟皇帝之法視
此銘記

崆峒巖銘

并序

國朝

劉裔焄

石之質堅近于頑冥不靈者也乃不假穿鑿而
空靈超曠嶙峋怪特豈非天造地設者耶問之
天天未嘗有意而爲之也靈者得之而靈頑者
得之而頑自取之耳說者謂物之堅者可空可
靈而脆者必頑必塞或然耶練道修真之士

必選勝于崆峒以其堅也以其空靈也為之銘
曰

春州之石林立成叢卓然表異厥有崆峒何以異
之嵌空玲瓏何以致之鬼斧神工惟空斯靈惟靈
斯迫伊昔廣成實符于中彼何人斯為之則同

慧石銘

尙書
曹秀先
新建人

疇其汝喲孰為汝鞭靈巖不闕良會也天當門當
路於汝是誓一躍三百豎立回淵萬口驚異良地
獲遷銘之遇我慧石其傳

詩

陽春縣志

卷之十四 藝文

四

五言古

春州雜詠

國朝
劉裔炫

南山伐戰鼓北山揚旌旗搖氣銷蕩盡永鎮海天
陲樂矣太平民千秋保恬熙

旗鼓山

試問鳳凰山鳳凰在何處翱翔似下來騰舞却飛
去神物不世出隱見惟時爾

鳳凰山

匹練掛山巔皎皎如飛雪盛夏凜餘寒迴風灑炎
熱譬彼素心人時污不可漚

白水山

鳥性號能言如何默自守言者禍之媒金人緘其
口堪羨鸚鵡山其默永無咎

鸚鵡山

澄潭訪臥龍雲深潭幾折龍潭潭水清龍起雲雷
決山前耕鑿人長歌忘歲月龍潭

清濁既分判精華見巖穴寒溜浮空明巨石羅曲
折丹青筆雖工誰能寫奇絕雲森巖

誰將玉洞虹化作危橋鐵嶙峋起玉柱繚繞垂
纈坐久毛骨寒恍如在冰雲冰雲石

何年鑿混沌莽蒼烟水結初金變深劣轉更言
潔靜聽寂無聲寒鳥鳴幽潭西石

石屋隱青夏夏扉下月月幽幽蒼蒼嶠嶠留留龍龍
蛻日暮聽樵歌邱壑有同契石角巖

陽春縣志

卷之十四

藝文

四

崢嶸洞府虛元氣窺無棟棟柱柱疑疑有有神空空曠曠悟悟名名
理快哉石室遊恍遇洪厓子石角巖

春州崆峒巖

翰林葉藩藩錢錢塘塘

連山如蒼濤迢迢走千里婉孌為殊峯彼殊宛在
沚玲瓏勢欲翔橫側態殊詭中穴崆峒巖瓊樓嵌
玉卍日月駐壺中煙霞生洞裏曠觀今古情冥悟
鬼神理萬象籠自然紛紛詫形似此中本無物恍
惚遊太始層雲滃欲來枯泉靜謀耳吾徒真好子

摩崖紀史氏

曹地山給事先遊此巖大書
吳侍讀書巖字勒之石壁

遊崆峒巖

番禺學博莫元伯高

我聞古崆峒云是箕頭山何年挾風雨一
蠻春州城南江一路雜茆營窿穹拓巖壑兀立
元關深洞架高屋日月栖其間虹梁白晝落石乳
生衣斑隱隱洩靈閤久立凝神顏憶昔混池初
梗巨石頑何人感至精霹靂驚塵寰仙跡一朝顯
遊屐紛追攀夙志契冲淡及此半日閒來問談道
人悠悠雲往還

舟中望順陽諸山

莫元伯

漸入順陽境巖石發奇狀點點散平野面面削青
嶂岬岬撐虛空嶽岑逞天匠逼仄怯梯磴矛戟怒
窮幽訪何當蠟兩屐雲邊發高唱

望中步諸山

莫元伯

衆山聳神秀兩岸堆藍青散作碧蓮花朶朶開南
溟或如古帝江混沌藏其形或如羚羊角雙峯摩
日星或如南極龍蛇遊天庭或如獺鹿蜀斑駁
眠郊垆或如一足夔獨立風雨冥或如九首龍側
目生雷霆凡諸象所肖造物羅神靈對此當臥遊
如讀山海經豈必慕遐尙高步窮巖扃

遊冠溪

戶部主事譚敬昭 邑人

城中映... 城外山水幽城中塵土... 十得... 離亂見山... 掉頭... 石病... 泉
石瘳春風... 以泪我... 輕雲走長石... 如
孔陟流冠... 誓誼重此盟鶴... 有石不...
泉不可舟誰云小潭下轉石... 靈湫雷...
長嘯驚潛蚪我來久忘形欲去仍復留澄心對綠
靜... 目觀浮漚蒲根無人採桃花無人收... 芳但
自賞... 詔誥與儔山中... 綠毛仙顧我雀... 躍遊同之
笑不言風... 聽聽

三月二十二日遊通真巖

有序

譚敬昭

陽春縣志

卷之十四

藝文

七

嘉慶九年甲子春三月二十一日歸自石岡

青山過黃坭之坂至石龍灣遂宿焉故人蔣生
至東道客舟春夜縱言邱壑蔣生乃述鉅石之
勝所謂劉仙棲息地也始從舊聞豁如創獲延
望靈臯耿耿不寐殘夜披衣凌晨振策乃以二
十二日駕言崇朝舍津而塗五里芳郊紳有奔
態風禽送音春蟬競響... 發石泉...
未至先神往焉穿林涉澗...
梯雲而上洞門豁闊循磴右... 可...
幽闕石氣青蒼大石倚壁側立綠徑... 時...

一割無始無終相傳自千仞壁下墜者豈伊天
工驅策神力以爲茲巖蘊靈寶耶石下窾巖一
片蒼玉盤陀具體則劉仙唱歌石也滑膩如拭
摩挲卷然遂借友生作團圞坐對面壁隙潤徑
三尺乳懸可捫承以露梧輪郭淨飾縝密溫潤
天然自嵌如鑄如生匪甄匪陶而乳水微注宛
若壺漏涓滴不盈振古如斯則劉仙水鐘也石
鐘容半合正圓潤滑色如宣瓷大如茶甌外微
缺一痕天然嵌石水冷徹骨夏不溢冬不竭旱
潦不改而底無隙具化聞尚有劉仙績麻籃在
峯頂人迹莫至想當然耳左右巖室不深蓮座

隱見西構房廊當窗外視衆綠如染其上多石
燕依崖而巢聲若蝙蝠搏身齊翼亦異凡族遺
翎飛溜翩翻紛綸凝睇綠崖深造幽遠旁多暗
室元妙靡悉上多宋明以來題名架棧爲廊廊
前摩崖則周濂溪遊碣在焉碣右二尺許得宋
熙寧時許彥先記始知巖以通直名由來舊矣
而志乘失載徒使碧澗銅陵嘉名不彰謂之何
哉又上爲劉仙巖通觀音巖巖廊倚空下眺春
碧江峯雲林歷歷送目遠帆出沒彈指天際而
近見平疇濠梁交映運掌可數也百尺懸崖

垂仙藤翠蕤盈尺同條雙葉弄影迴風望不可
即問之故老蓋雙葉連莖冬春不彫不增不減
造物者奇耶仙靈者戲耶草木者無情耶無情
而有情耶吾不得而知也吾所知者亦謹爲故
老言之劉仙不產于陽春仙經所稱白石山女
仙劉三妹者是是爲西粵貴縣人以善歌化粵
俗猶人至今祀之以爲歌仙唐景龍間嘗與朗
吟白鶴書生張偉望歌而善同聲同心遂締仙
侶亦靈仙而有情者也嘗遊萬里少別千年靈
蹤步虛亦集爰止安知不爲陽春高歌倡和雲

表麗茲巖幽靜靈通朗秀呼吸陰陽吐納元氣
則於仙居宜信劉仙棲息地也而遙遙古今屢
無聞遂使仙心寥寂蹉然傷之其在于今果
有是此否時往來否或樂此而忘故都否或夫
兒有情亦未能遺此來自東面嘗西顧否或不
忘故歡携手翔翔升雲曲房悠悠將將遊戲空
劫千春萬劫靈飛無聞否其情狀又不可得而
知也惟故老幸教之惟我友生共聽之又曰
人語云每歲花朝爲仙生日覽按之初與百
花共命惟時歌舞降神雨暘響應仙乎神乎其

有道者乎仙之果樂于斯而歌于斯乎天問神
契縹緲窈冥夫寓予心將爲迎送神絃曲授謔
碧卯歌以娛神蜚騰天聲病未能也以俟異日
聊爲是詩以寄欣慕凡千一百言良以仙山匪
今而未覩佳作爲長言之猶恐不足靈之來兮
願誠慤之先達解玉佩以要之

我懷還山吟征雲去相逐隨風度青山遂過黃灣
宿越人褰翠被爲指前峯麓雲月蕩清暉遊仙臺
方熱侵晨二氣佳川光日華燭相將乘雲車靈景
弄春旭林二天聲野水迴風穀萋萋采薜蘿茫

茫醉醺酥銅陵忽當前崖烟没人足雲芝紛翩翩
石華鬪攢簇青霄垂蔚藍仰見瓊臺蓋信步穿烟
嵐空香撲巾服冉冉躋雲端旋旋入山腹山陰下
飛石斜倚壓坤軸想當驅甲丁月斧摩天刷千仞
落無限張弓彈輕鏃一經補天光低頭不敢觸歌
臺慶陰陰盤陀水蒼玉咫尺在陰陽斯須變寒燠
龍口開呀呀鵬翼展翩翩右脇一滴泉中藏三萬
斛懸流不盈尺華池不盈勺天工製銅壺神漿貯
奩盞元北闕千齡氛氲自膏沐石燕構雲房將離
繁羽族雙棲爲鴛鴦餘聲亂蟬蛩羽化同飛仙靈

泉飲其福仰之令人羨短翮希高躅未得凌風翔
苦受塵寰束渺渺懷靈脩翩翩振薰浴高高劉仙
巖角角蟠虬纁乳溜墜天花沿崖霏霖霖古磴流
金瓊層臺抱瑛球景龍杏千春飛梭火輪速白鶴
來何遲佳期綵雲續班班車驂鸞悠悠軒駕鹿離
合紛戲游閃映東西倏一聞陽春歌始覺韓娥俗
和以瑤華音吹出湘妃竹清商被人天遺響誰能
屬仙骨爲仙才絕世佳人獨海粵一浮鷗張劉兩
黃鶴鴻爪印南州兔顧眷西陸輕軀雲翔翔垂髻
花蔌蔌由來冰雪肌不受塵波黷衣香裁朝霞眉

陽春縣志

卷之十四

藝文

五

痕歛春綠江天何蒼茫飛入橫波日鷓鴣爲翥扇
蛩蛩踐茵褥芙蓉合歡帳匝匝文漪感流蘇撒珍
珠華燈綴金粟青爐吐金光蒲萄烟熠煜仙袂分
餘馨神颺散輕馥髻髴聆步虛蘭氣吹芬郁石室
含幽清山邱作華屋阿閣三重階芝房青玉局高
標籠穹廬元樞運輪輻玉繩轉玲竚金柅止輾轉
倒影掛飛樓抽帆鎖連舳揮鞭移蓬壺鑿棧駕巴
蜀元豹隱隱藏潛蛟深深伏陰壑蘊靈墟琅籤押
緘櫝括囊錦爛斑旁通儼弓鞬鏡機玉瓏玲斜睨
箭箭箴始知萬物毋守雌母也育元黃鬱萌芽扶

與各鐘毓蘿帶裊孤烟雙葉靈根夙共命結同心
經冬翠光沃徑寸俯巖松下聽驚風謾誅蕩天關
開平疇豁遐矚雲峯擲連環收羅人妝篋羅襦化
綵蝶翻翻度溪淥五雲縵芳洲五香濯蘭澳雜英
閒紅桐竿翠垂青復漱芳注承露嚼藥行辟穀還
丹七五一洞天三十六一息自周還百越久亭毒
名都幾低徊人間日催促帶骨等蜉蝣頑仙但信
僕命儔集諸天衆媿交曼碌佩纓結蕭秦連襪捉
媧虛儀態隨萬方盈盈信貞淑葆真揚高華和神
接清穆靈蹤忽差池予懷空杼柚瓊枝絕攀緣瑤

陽春縣志

卷之十四

藝文

五

草猶鮮縹亭亭魂自清炯炯心轉肅列坐叅金仙
殊塗同寶籙綺語問靈飛直形披畫幅摩崖壁蒼
潤剔蘚花瑟縮旁求許彥先近接周茂叔嘉名錫
通真殘碑補遺錄熙寧丁巳夏捫搜左行讀陋儒
語詹詹著書亦碌碌摘星遺羲娥掇藻采原菽一
笑心眼空何勞語諄復聊縱逍遙游超然寄濠濮
竭來升天行那作窮途哭黃庭通內外青詞相往
復夷猶愴忘歸凌霞送孤鷺臨高臺以軒永謝紅
塵辱緬思靈之來花朝賽巫祝四照花娟娟曾波
月漉漉春江花月夜迎神送神曲傳書竹葉符蒲

薦桃花彌援琴歌歎欽披篋

希聲合鼓祝嘈嘈譜神絃幽幽雜絲

頤大坐作嘉告升雲半有無娛神託

增波雲歸川有木碧雲殊未來白雪

崆峒巖 邑庠士

二氣初盪空磅礴迥不竭西北記

穴初登覺幽深旁轉更高潔嶙峋起

彩緜寒溜浮空明巨石羅曲折逢逢擊石

不外泄乃知化工神難以常理說丹青筆

能寫奇絕高人臥林壑白雲可怡悅世宙

春縣志

卷之十四

藝文

五

登懷似永雪

七言古

遊崆峒巖

廣東學吳

我昨南遇太史公

謂曹地山前輩

為我西向談崆峒

指畫不容口意似一掃千巖空我時猶

方晴

州一八度清

心崆峒叫苦絕怪事毋乃神工

又山石嶽空其中

鹿鳴口

虹高者

上為關中

以獻寶朝可宜
可理大書
奇幽特鑿

玉
昔洞中 彫
多 巴利
傷滌元氣

循崖右轉更深豁
一室
力權歸然

中貫見砥柱力幹坤軸天
良其背

都立不動高崖崇旁穿
仙笈藏

虛冲此山便合護
護此
我名何

為掛絕壁曹侯下筆
摩青
昔雲巖
走壁

崆峒主人白石翁
舟石石

正風
舊在石
不動
大風

用石自
曹公為
坤何處關
元
水

陽春縣志

卷之十 藝文

京

盡作詩 遇曹兼賀石萬八千歲

輓孝子 詞 祥

聽彼水兮淪之澳有慈鳥兮集
可水

解飛羽潔聲清性具足一朝風雨
集

前痛號哭號哭洒血將何為願身
如母

子分離何慘切一聲一淚肝腸裂
天

年兒死黃泉亦快然備嘗捶楚甘
身

死而已豈知鄰封有宰賢魯國名
立

仗義氣如海莫若子母各一天賦
心

解脫不計千黃金
母子重逢哀且

其美胡爲一日遊仙鄉翹首悲歌問彼蒼蒼天謂
是成孝子孝子千秋名不死

崆峒巖道和石上吳雲巖夫子韻 馮無昌

古稱嵩恒岱爲華厥秩視三公誰其佐之河圖遁
甲轉不言崆峒朱明洞天次第列嶺嶠不知崆峒
何以獨在西北聳峙凌虛空元精由來揭斗柄地
勢空說聯峭潼我意太始自倪莽豈必洞壑直龍
從况稱斯山宇內復有幾兩屐未歷正使擬議摹
寫難爲工扣扉今日陽江東居然靈異栖其中我
來輟棹推短篷隔江雨過明彩虹筍輿十里不辭

陽春縣志

卷之十四

藝文

五

遠篁茆一徑微相通於時山外初午鐘羣石如豹
如蹲熊忽轉塵寰作福地呀然日月開庭宮石梁
橫跨路迤邐水瀑飛洒聲冷壠素臂高垂蝠女掛
玉乳潤極三層煥神輝白鸚鵡紅嵌竇夾峙雙
房櫳斧鑿那無兕神力結構不與人間功吾聞上
古民質樸三皇五帝非尊崇所以黃帝廣成子心
契元妙神虛冲梨棗自掃荆棘叢升高何必箕與
嵩方隅丁壬侯起伏枉向龍虎叅鉛銅何如題字
濂溪翁 山有周夫子題名 至精三五開羣壘寥寥熙寧湖
一元豐至今峭壁支罡風嗚呼後來觀者但賞筆力

雄擾擾何異水疑蟲問君何處符德充徒爾河

甲乙分異同

山又有碑稱
為第四崆峒

遊崆峒巖用吳雲巖原韻

邑縣尹

彭昭麟

丹稜人

憶昔先考觀察公點染巨筆碑崆峒石青字赤峙
巖側光芒萬丈凌虛空我生遊屐遍天下東登泰
岱西華潼瀛聞崆峒有三處臨洮汝定爭崆嶺茲
山第四孰所命名與地稱名斯工曩時洞口石所
室藤蘿糾縵蒙其中姜侯拜石感神力石墮洞闢
驚雷虹始入開拓若房屋小徑側出深幽通中列
佛像傍鼓鐘燭光射目光熊熊龕龕架梁獅象伏

陽春縣志

卷之十四

藝文

五

金芝玉乳羅仙宮窮奇怪變列萬狀仇池玉色何
璵璠山空塵坌那得人朝夕惟有雲霞烘我來命
駕急往訪香烟縹緲紫巖樞豐碑巍然獨峙立續
栗完好誰之功妙文元氣幹造化山靈呵護人欽
崇蜀雲嶺海隔萬里得履先治心神冲人道新叢
發故叢培塿那敢齊高高摩挲手澤再展拜起視
四壁如磨銅雲巖太史地山翁奇語震喝人耳聾
二公於我皆父執共成三絕留高風別有蝸畫列
橫縱篆法往往通魚蟲奇境鑿筆寫不盡今之視

昔將毋同

洞中石壁有吳雲
巖及舊地山詩

夢遊了髻山觀瀑布泉歌

莫元伯

春州城西一百里山有龍潭號白水臨流濯足兩
載心泉聲飛來一丈裏此時身立了髻峯明月高
挂東溪松但聞霹靂半空下水光雲影相溶溶蜿
蜒一氣互噴薄滿天風濤亂巖壑千尺龍泉水都
作雪花落雪花點點飛飛上遊人衣遊人久立寒
透肌仰視河漢星斗輝攬衣徘徊坐大石字跡雲
霾半明滅命名遠接廬山泉大鏡漱玉石文裂我
欲因之窮其源天池龍井今尚存仙人立我最高
頂青猿白鹿當我蹲猿啼鹿嘯山色紫一時恍惚
驚欲起茅屋鷄聲橫枕來寒泉颯颯宛在耳天下
佳山佳水何處無足跡安能周八隅今日夢了髻
明日夢匡廬飛泉萬斛爲我洗襟裾杖亦不用策
酒亦不用沽精神浩浩遊太虛翻笑向平禽慶奔
走徒區區

九月八日遊崆峒石室

譚敬昭

十年我著崆峒賦五年我和崆峒詩今年始識崆
峒面雲烟人眼開靈竒清霜白日秋氣健重巖絕
壑迴天姿乃知會心不在遠半壁自是九十九洞
真仇池入門雀羅喜平豁曲徑蛇轉還透迤璇室

瑤臺得米有恨補地說來遲遲得非開馬以前金
水精結凝爲骨爲膚飛溜懸崖透秋雨時有滴
憑沾蒲衣麻姑泉死滄海淺黃麟脯熟無人知
河有麻姑泉今竭冥冥白晝蝙蝠飛龍鸞窟宅分迷離就
中名物觀縷瓊屑不可紀天花墜地人間稀偶得
一二已驚絕如太古世遊農蕤或如巢閣鳳或如
負圖龜或如奔月蟾或如承雲螭或如九尾狐或
如一足夔或連如鐘簫或列如累巖或聳如樓居
或廣如庭墀或如大鵬雙翼垂或如熊羆相逐追
或如佳人絕世立會頰倚耳娟娟眉或如玉京羣

陽春縣志

卷之十四

藝文

美

帝朝北斗翠鬚髯黃金支從以天馬拳毛獅或
如菩薩羅漢天女諸變相事迹嚴秘鬼神莫窺恒
洞沙數不可思維又如文人不平氣胸中八九雲
夢供我頤指揮奇奇怪怪千萬狀安得摩天巨刃
鑄此瓊瑤辭與酣更跨飛仙橋俯視一切何事卑
天光雲影藍玻璃安期稚川安可希山中水泉甘
且肥玉液久服能不一何當凌風遍六合上與造
化相兒嬉蓬萊羅浮崑崙蝸角對此拳石誰雄雌
黃午溪同年招遊崑崙巖
拔貢黃士璜南城人
我昨走入春州境芙蓉幾朵排空青心知此地孕

奇氣定有秀拔千人英忽遇能詩子黃子笑口一
豁懷抱傾良長導我訪名勝藍輿迤邐徂郊坰但
見數峯昂首迎石筍林立如弟兄茲峯乃作衆峯
王下豐上銳森峻嶸何年五丁鑿山肺豁豁突駁
重岩竒穿岩繞磴愿幾折中有洞穴高而隱巖巖
二柱相撐撐宛然樞閤飛欄檻矣梯不費匠氏膏
而前崖壁梢斷缺一綫透入天光明或爲青涼臺
撞竿植亭亭或爲阿羅漢枯坐閉兩睛猿視踞地
伏不動於菟負嶠怒莫撻倒垂如束帛上蟠如雲
腦又或如鐘或如鼓擊之彷彿擊鏗鐘其聲環

陽春縣志

卷之十四 藝文

五

雜萬狀黃生一一指點手口俱不停要皆石骨之
所凝結而成多巧如天匠亦難斷依稀未府窺察
開瓊瑤注目神情悅小語馨輒摩石讀時作樂
滴炎天陡覺陰風生紛紛蝙蝠數只更見六者如
舒雙翎飛橋一道高跨無底谷傳心石以提鑿
往來仙靈天王闢此奇妙境吾恐已石難爭衡
有巨石山山軒轅訪道當日雖未到何妨一取
峒名遍觀與窾取逕出僧寮小坐茶香清更與
生縱談今古事酒滔快辨殊可聽胸羅道書內
秘牒兼幽經作爲詞賦光怪神鬼驚示如此

中幻奇詭畫家斂手不得施丹青名山佳士
近斯遊快意得未曾振衣長嘯凌蒼冥

崆峒巖七古

陳文介

崆峒之山何萃律壯觀特立高無極平原散作
蓉花元氣渾淪護蒼碧岩巒聳峙爭陸峨遊人
上摩天壁洞然一室張虛明高越龍岩幾乎尺
龍躍虎判形勢雲擁烟嵐轉昕夕峰稜側邊石
飛古洞斜開大鵬翼雄觀偉視足離奇擎天石柱
排雲直麻姑泉對獅子石北境尤爲人愛惜苔花
疊錦燦成文仙露明珠灑金液春風淡蕩娛我情

陽春縣志

卷之十四

藝文

李

異艸名葩自春色岩中勝景難盡識岩前鑄石
遺跡古人遊覽爲勝情地靈人傑今猶昔

五言律

遊銅石山

宋編修胡銓

是處山皆石他山盡不如固坐從地出疑是補天
餘下漏一拳小高凌千仞空寺草廳未覓名不到
中書

鐵坑山

胡銓

路入陽春境杳然非世間初疑金谷嶺原是鐵坑
山日薄嵐烟重天寒酒力慳人言茲地惡我愛碧

孱顏

簡陽春色邑宰

胡銓

縣古杉楓老人居水竹間化民無訟獄留客有江山路遠旅愁積病多詩思慳主人情意篤不飲愧吾顏

遊崆峒巖二首

明廣州節推 陳紹功

使事逢佳節登高續昔遊秋山烟氣歛春色日光流幽景題難遍神工畫不收炎方長苦熱薄暮索重裘

性癖耽山水登臨借此行題糕催秀句吹帽覓新

陽春縣志

卷之十四 藝文

空

盟佛古荒苔合僧貧破衲迎行春有令尹天色正

晴明

遊白水龍潭

國朝邑明經 劉大鏡

峯嶽亂峯青飛珠萬斛零谷寒携衲憇洞古帶雲扁拾葉燒新笋捫蘿篆小銘最憐潭畔樹學得老龍形

溫泉長夏

邑庠士 劉裔沂

水德原清冷溫泉何所為天地有深意世人那得知靈根通火井元氣在湯池忽憶浴沂樂春歸正及時

冠溪泉石

邑庠士張淡

幽林天結構清迥絕塵氛石榻時邀月孤峯半碍雲
雲穴泉瀦作沼飛翠裊成紋莫厭歸來晚樵歌次第聞

銅石禪林

邑庠士揭友璿

奇巖古銅石幽迥一禪林花霧分香靄泉聲雜梵音
曇雲如有想鏡月本無心我亦忘機者清歌散遠岑

陽春留別姜巖亭

曹秀先

旅人當仲夏勝地及陽春雨浥桄榔熟晴熏荔子

陽春縣志

卷之十四

藝文

空

新崆峒摩石老單父聽琴直循吏余懷古今茲一

慰神

過陽春有懷前令葉函齋前輩 吳鴻

春江流淼淼之子昔鳴琴小市風烟晚荒城絃誦
深峯多宜挂笏性澹竟抽簪不學陽山令留詩松
桂林

慈雲巖題壁

廣東巡撫韓封元和人

洞天開福地石室坐枯僧樹抱雲根走山含海氣
蒸全家携兩袖萬里此重登欲問慈航渡同叅大
小乘

題慈雲巖

蔣 巢 二 餘

突從平地上湧出一拳多半坵蓮花瓣斜盤玉女
螺深龕依峭壁飛磴頽危柯一袖巖頭坐閱雲此
躋過

陽春道中二首

錢塘明經

呂 伊 茹堂

一水鸞環入千峯合沓迴晨霞穿樹駁夜月漾溪
隤甫頌桑門偈還持蓬底杯 遊德慶香山寺之次
日即有陽春之行
流光真電速惆悵暗相催

牢落星河曙籃輿取次前螺堆四壁繞繡錯一溪
偏犬吠林中影人耕嶺上田吾生飽行役一笑爲

陽春縣志

卷之十四 藝文

奎

炊烟

望銅石巖有懷宋胡忠簡 莫元伯

萬里天門遠孤臣瘴海來名山留勝蹟今日動餘
哀伏闕千言疏投荒立字才清標並周祖無用勒

碑回 巖有周濂溪
祖無擇題名

七言律

按部至春州

宋 周敦頤

部歷廣東經數郡若言嵐瘴更無春度山日永埋
清晝爲國天終祐吉人萬里詔書頒降下一方惠
澤盡均勻丈夫才學隨時展倉庫應無亟富民

陽春卽事

宋參政羅僑

露布星馳到邸藩兼程細雨度黃昏壯心欲掃門
庭冠刻骨難忘聖主恩兩路精兵交報捷一時劇
喜已忘殮明朝更揭西山榜剩有降旌出遠村

遊巖四首

有序

明刑部
主事

沈思孝

平滿
人

出陽春之西門可十里而近曰崆峒巖巖洞深
廣石乳如柱有石鐘鼓扣輒有聲蓋東南之奇
勝也往者埋伏荆榛閒晴則濛濛然小雨則淅
淅然林木鬱蒸青葱不別比余以謫電而來也
爲毛明府子興道之師明府乃剪箐披茸斲斲

陽春縣志

卷之十四

藝文

齋

行蔓草中而飛磴危岑轟然改觀矣茲明府隴
余巖上則見吞吐雲烟旭日相媚掩映玲瓏紫
翠萬狀居頃之則又虛谷和響萬木奏節恍如
霓裳羽衣與天籟會以茲勝蹟而顧可遺之耶
繫禹跡之內崆峒三一黃帝問道處一麥熟臨
洮見少陵詩一在安定百粵在荒服禹跡不經
且弔古之士罕至焉仙佩非遙山靈有待余始
獲於明府標識而邀遊也詎非茲巖之逢其適
歟昔蘇長公謫惠芟除茅樾闢白鶴峯遊士藉
爲美談而峯名遂顯於天下余也陋非長公比

寄和沈純甫比部遊崆峒巖二首

明戶部侍郎 區大相 高明人

城外名山此鬱盤，青旂孤劍倚巖岏。石壇過雨瑤花靜，丹壑含風玉乳寒。藜杖自穿雲霧入，苔碑先拂薜蘿看。絕憐空谷稀人跡，塵外逢君一笑難。把酒蕭條眺遠峯，削成青壁秀芙蓉。書傳有客於瑤草，日下何人鞭玉龍。樹杪秋陰涼籟起，巖前黛色暮烟重。非緣謫籍鄰幽杳，石上爭題逸士踪。登雲靈山望海

國朝清遠學博 謝良遇 邑人

選勝登臨霽色開，滄溟初捧日輪來。西蹴瀧水

陽春縣志

卷之十四

藝文

奏

縈帶東瞰鼉城似泛杯，縹緲雲帆移島嶼。蒼茫世樹隱樓臺，憑高勿訝春州小。呼吸真疑接上台

九日遊崆峒

邑明經 梁 爕

翠微登眺四無隣，杖履蕭蕭稱葛巾。遠訪廣城丹竈跡，幸逢陶令白衣人。洞門深鎖乾坤別，巖菊初開節候新。共買萸囊成一醉，暮年邨許負佳辰。仲春花朝同祝雨，巖明府東郊勸農

劉士課

郭外雙星拂彩霞，溝塍繚繞問農家。東郊夙命祈先齋，西姪布來繞後車。農父共沾堂下酒，章縫好

看縣中花筍輿設託清塵往豈是春遊玩物華
射木山觀海

劉裔煇

獨立岩巖射木峯冷然雙袖挹清風蓬山島嶼微
茫外鬢氣樓臺指顧中石映波光搖黛綠樹縈潮
色絢霞紅興來直欲乘槎去晴髮扶桑到海東
銅石巖訪劉仙遺跡

劉裔煇

雲姬遠向青霄去冷落空巖雨雪霏翠壁影中零
冉冉落花流處客依依會同阿母瑤池宴常共蘭
香古洞歸試向蓉城問消息幾時鸞鶴更南飛

七星丹竈

邑庠士張錦

卷之十四

藝文

七

七峯如斗列窅窕紫翠相連畫嶂開元鶴何年歸
洞府碧雲長日鎖瑤臺謾思玉液調金鼎且酌靈
泉入羽杯欲向壺天尋舊侶藥爐烟斷幾人來

遊崆峒巖

邑明經陳應球

奇峯突兀起平田洞口流雲斷復連巖樹碧籠蕭
寺古山花紅映客衣鮮老僧曳衲隨雲補牧豎牽
牛對瀑眠塵世滄桑知幾度石橋鐘鼓自年年

龍巖遠眺

邑庠士陳舜源

上方臺觀倚崔巍鐘磬聲遙出翠微古洞乍臨塵
感寂名場久闕世情稀斜飛一水青山隔半隱孤

城綠樹圍向晚不妨遲掩戶前峯應有白雲歸
雨中過春州城

莫元伯

滿城風雨急冥冥雙槳遲遲掠草汀鳳水北來春
漲碧龍巖西護曉烟青濕飛旅雁聲逾澗驟落河
魚勢未停六日道中晴日少推篷無用望雲靈春
諺云晴不晴望雲靈

補官春邑蒞任七月奉檄調赴會城途次復奉委
權廣州通判不克與士民作別感而賦此

邑縣尹陳懷彥吉水人

復矢初心作宰官不求卓立未圖安半年采俗知

春縣志

卷之十四 藝文

矣

民隱百里關懷凜素餐敢謂政行能洗革幸逢歲
稔鮮饑寒彼都與我綠何淺羽檄催行賦別難
非因報寂出山城草草相離百感生數月官民猶
未洽一江風雨頗無情別釐有志其如暫惠愛無
方敢說清寄語五都良士庶各安耕讀答

昇平

偏隅習氣未全淳間有冥頑失性直真懲戒每存矜
恤念澆漓還望轉移新有山堪采貧能贍無訟相
持里自仁安得賢愚歸一轍康衢坦步樂同春

遊銅石

宋知州張登

山斷開元禍龕留大業僧七年馳使路三躡石樓層

紫雲巖

明闕名

偶入紫雲窟尋僧問薜蘿仙人不在此巖古白雪多

長至日由陽春抵黃坭灣卽事六首

國朝葉藩

流水枕邊琴筑青山野外簪裾楓葉丹青似錦長
離聚散如魚

陽春縣志

卷之十四

藝文

堯

冬日已連春日吳人尙作越人舟動蘆邊接翅縷
懸沙際投綸

忽至青溪渡口重行英石峽中山脊蒼藤絡川灘
頭碧荇搖空

曾訪崆峒巖石虛聞十三疊泉北去火雲漲海東
歸水稼平田

地僻人前鵲啅村深樹裏鷄鳴岸上江聲沙走船
中月影潮生

仙吏喜逢海嶠歸人卻臥江鄉時余將歸里節與青陽
漸逼愁隨弱線俱長

七言絕

七星丹竈

邑庠士 陳廷琛

郭外芙蓉高插天層巒深處住神仙丹成九轉歸
何處鎮日霜楓冷暮烟

崆峒第一峯

劉裔煇

孤峯突兀路千盤萬里烟雲一大觀幾欲憑高竚
長嘯却愁風露濕衣寒

舟次陽春

元和孝廉 韓是升 東生

雨餘嵐翠滌塵顏棹入空濛杳靄間茅屋半藏深
竹裏分明著色米家山

春縣志

卷之十四 藝文

七

春州竹枝詞

劉裔煇

桃花深處是儂家曲曲疎籬遠徑斜除却掃花無
一事相逢唯試小濛茶

鷓鴣聲裏半晴陰薇蕨抽芽筍滿林西嶺採薇東
採笋較來清味覺誰深

小濛茶候在清明少婦提筐趁曉晴採得露芽新
火製芥山風味比誰馨

牛輓曲中車輛稠黃坵灣下集商舟日日征人行
不息新成官路到河頭

陽春縣志 附錄

勸捐姓氏

藍培玉

王國勳

馮成連

何汝晟

李才璨

洪福謙

吳茲湯

王俊舉

藍國超

黎彰遠

李家楹

劉世燧

藍達成

陳惠揚

以上見選舉

龍德宗

梁朝棟

以上職員

嚴祖恩

顏可象

嚴有容

俱貢生

梁恭瑞

廩生

柯子揚

梁恭承

李校

楊匡瑞

陽春縣志

袁昌清

劉世縉

王成裕

張嘉猷

張翼元

謝家蘭

李才經

龍世槐

謝慕熹

梁建邦

林攸華

吳愈豐

以上生員

曾淦

藍國賓

林啟運

李伯棟

張起燦

歐英昭

陳瑞鱣

以上生員

汪沛然

劉宗溥

黃敷光

李德芳

莫來儀

羅文燦

薛尙文

謝恩錦

何應鵬

崔家秀

柯光泰

陳永夏

陳居邦

李啟成

吳廷憲

楊元屏

梁耀折

梁安第

黃孟誠

林作昂

湛開芹

劉世宣

湛源溥

馮子揚

吳昭念

范昌盛

伍學桐

吳大端

劉士芳

王國治

以上監生

蘇瑞琳

鄭廷楷

以上在九

捐資祠宇

張誠

世襲千戶所祠在城內蓮塘湄

劉念三

祠在三甲堡石嘴鄉

藍彥貞

祠在三甲堡造羅寨

劉廷亮

見列傳祠在三甲堡瀧龍鄉

陽春縣志

二

劉裔焄

見選舉祠在三甲堡礮溪鄉

李迺猷

見選舉祠在潭水堡中和里

伍德敬

新會歲貢生祠在六甲馬催鄉

陳國紋

監生祠在城西雅舖街

范璋

祠在龐洞堡荷祿鄉

王宗佑

祠在三甲堡街頭塘鄉

李良

見選舉祠在岡尾堡

梁崇伯

見選舉祠在城西安寧里

莫文質

見選舉祠在那烏堡大坳鄉

劉萬一

祠在三甲堡荆山徑

謝福存

祠在輪水鄉

蔣仕達

祠在城內文星社

吳德

祠在鳳南堡湖邊鄉

韋君載

見選舉祠在那旦清湖塘鄉

李雲標

見列傳祠在岡尾隆岡

李惟揚

見選舉祠在岡尾隆岡

謝梭

見列傳祠在輪水西園

吳勝晉

見選舉祠在七甲堡石碧鄉

謝成勳

見選舉祠在輪水西園

劉家坡

見選舉祠在三甲堡礮溪鄉

汪一漢

見選舉祠在城南安樂坊

柯大化

見選舉祠在東城內正街

梁之屏

見選舉祠在城內縣前街

劉裔灼

見選舉祠在三甲堡東岸鄉

劉家垓

見選舉祠在三甲堡礮溪鄉

楊世華

世襲千戶所祠在城內從善坊

黎思聰

見選舉祠在岡尾

劉家壩

見選舉祠在三甲堡龍騰鄉

劉啟鎰

見選舉祠在三甲堡新溪鄉

吳尙俊

州同祠在鳳南堡湖邊鄉

岑捷登

見選舉祠在荔枝山

謝鏞

見選舉祠在輪水水寨

劉宗櫬

見選舉祠在三甲堡西岸鄉

張鏡心

庠生祠在城西萃英坊

馮映滔

見選舉祠在現堯堡福萃鄉

范源淑

見選舉祠在廳洞堡新溪鄉

范成權

見選舉祠在三甲堡合祠在廳洞堡

王荆山

見選舉祠在三甲堡鳳溪鄉

伍榮瑞

見選舉祠在三甲堡桃垌塘琅寨

董詔

例封文林郎祠在三甲堡金鳳塘

陽春縣志

三

嚴六九

例贈文林郎祠在頭堡龍湖鄉

謝馨

見選舉祠在輪水

袁永可

見選舉祠在三甲堡坡中鄉

柯應達

廩生祠在東門城內正街

劉啟銘

見列傳祠在三甲堡東岸鄉

嚴恆恕

貢生祠在松栢鄉

吳贊綸

見選舉祠在三甲堡石碧鄉

李九標

庠生祠在岡尾

黎廷秀

庠生祠在岡尾

曾敬淵

庠生祠在岡尾

范源洪

高郡庠生祠在廳洞雙合樓鄉

黃啟時

廩生祠在八甲堡太平鄉

黃元第

庠生祠在城內蓮塘鄉

黃憲符

庠生祠在八甲堡福悠垌

伍原忠

縣前街在城內

李士珩

例贈修職郎祠在潭水擢桂鄉

蕭芳塢

武生子祠在鳳南堡才子山

林泚光

監生祠在排埠

吳廷

監生祠在七甲堡石碧鄉

藍式熙

監生祠在三甲堡黃龍鄉

楊永奇 監生祠在八甲堡仙嶺 吳應綱 祠在八甲堡步鄉

范其仁 祠在龍鄉 林偉 祠在西河堡長湖鄉

陳元 祠在城內縣前街 梁元養 祠在下馬水棠湖寨

嚴貞 祠在松栢鄉 何昌藩 祠在平坦堡永安鄉

林萬任 祠在壁笪堡樟木根鄉 李慶 祠在壁笪堡

陳光普 祠在那坐鄉 歐富 祠在潭潦鄉

莫文俊 祠在大琅鹿村 楊立雄 祠在龍口塘

陳于參 祠在石岡 陳雨佳 祠在石岡竹湖鄉

蔡名遠 祠在西河金雞岡 蘇才相 祠在青山堡那哨福慶村

吳朝叔 祠在石菜堡 劉應龍 祠在三甲堡下新營鄉

陽春縣志

四

劉應騏 祠在三甲堡龍灣鄉 劉應舉 祠在三甲堡龍灣鄉

陳世興 祠在鳳南堡十分田鄉 夏曰球 祠在鳳南堡大塘坳鄉

劉廷斌 祠在高垠股白雲鄉 湛洪義 祠在鳳南堡永清股大隆寨

陳法瑞 祠在鳳北堡大塘面鄉 劉維楨 祠在鳳南堡白馬鄉

劉膏 祠在鳳北堡壘寨 吳宗桂 祠在三甲堡石橋大寨

黃隆 祠在八甲堡虞良關 黃頤 祠在八甲堡羅城鄉

黃鵬 祠在八甲堡卜榜鄉 楊官守 祠在八甲堡白水石灣坡

楊瓊 祠在八甲堡金鳳坡 楊珩 祠在八甲堡合路口盤石坡

楊子榮 祠在八甲堡梨鄉 楊昭國 祠在八甲堡梨鄉

黃似明 祠在八甲堡波春樹坪 鄒福 祠在八甲堡那黃坳口鄉

鄒法仙 祠在八甲堡扶竹鄉 楊淑澤 祠在八甲堡高砂砥鄉

藍仲青 祠在三甲堡黃龍鄉 袁潤隆 祠在三甲堡羅溪鄉

袁法昌 祠在七甲堡蒲邵鄉 蕭貴一 祠在鳳南堡三眼塘

蕭貴二 祠在鳳南堡三甲河口 蕭萬昌 祠在鳳南堡三甲河口

蕭萬承 祠在鳳南堡蓮塘鄉 吳剛一 祠在鳳南堡林埔垌社墩鄉

吳義 祠在鳳南堡大井鄉 吳國賢 祠在鳳南堡湖邊鄉

龍清 祠在七甲堡黃嶺垌 陳運幫 祠在三甲堡大嶺鄉

范其孝 祠在龐洞堡荷祿鄉 范其智 祠在三甲堡楊村寨

王敬堂 祠在三甲堡岑峒鄉 王鑑二 祠在六甲堡山口

王錠三 祠在六甲堡葱茅垌 邱榮一 祠在六甲堡新屋陂頭面

楊公誠 祠在六甲堡選科山鄉 吳念二 祠在七甲堡大垌坡

王明輝 祠在七甲堡大關垌 韋裕遠 祠在那旦堡黃強龍門鄉

羅恆一 祠在那旦堡澗水鄉 王國爵 祠在那旦堡曲水鄉

顏茂似 祠在排埠 林應科 祠在排埠

李廣英 祠在岡尾 李 藹 祠在岡尾

李尚奇 祠在岡尾 李昌學 祠在岡尾

李 寐 祠在岡尾 李夢春 祠在岡尾

曾昌後 祠在岡尾埠滯 張明德 祠在岡尾埠滯

李大有 祠在岡尾潭邦

捐資姓氏

陽春縣志

洪福謙 理問

李家翰 歲貢

李才璨 理問

李朝瑞 庠生

李炳文 進士

鄧英傑

王國治 俱監生

劉應瑞

范基翠 庠生

劉榮玠 進士

楊廷鏡 附貢

吳茲湯 州同

吳光勳 舉人

馮承連 州同

劉宗嚴

藍國超

陳直揚 俱職員

羅經斗 千總

賴以相 蔭千總

謝開魁 貢生

黃西翰 縣丞

范基才 州同

伍于輝 貢生

何廷獻 廩生

何廷弼 監生

何文遠 庠生

李春魁

朱有燦

王俊聲 俱監生

陳廷相

陽春縣志

六

范基祆

龍德宗 職員

衛斯垣

陳文融 俱監生

藍時薰 州同

李家楹

藍達成 俱縣丞

伍常 貢生

王引望 附貢

李發權

李培芳 庠生

吳純昌

歐超龍

嚴容寬

吳光縉 俱監生

李世則

劉大沛

李成旭

馮秉箎 舉人

黃作焰

恩貢

蔡高

河頭千總

蔡世泰

陽春營千總

劉大鏡

劉裔沂

蔡信昌

嚴自修

藍培玉

張鵬舉

俱歲貢

陳誠

陳譔

羅肇光

陳朝經

劉淋

嚴魁第

以上武舉

黃秉仁

德州衛守備

顏可觀

武生州衛守備

劉世檀

武生州衛守備

嚴在行

職員

伍月斗

林郎儒

伍文濱

李惟隆

陳士華

謝華庭

藍維翰

楊作榆

俱州同

劉世燦

林自繡

王俊舉

韋高堅

俱職員

黃展龍

劉宗注

俱員生

李承遠

劉啟鏢

黃植聰

王忠邦

楊振崑

俱縣丞

陳文言

王肇岐

黃德馨

以上附貢

嚴廷錫

守禦所千總

卷之七

梁恭猷

嚴彰華

俱武生捐千總

陳賢啟

林自錦

莫蒼頤

黎彰遠

嚴正鏜

李才綬

王成愈

藍國鏡

袁紹卓

黃植龍

俱千總

嚴北佑

蔭恩騎尉

嚴聯第

署羅平州吏目

嚴廷錫

莫英敏

湛開紀

黎聯卓

以上把總

嚴思朗

莫敬承

莫光昌

陳成名

黎挺卓

崔天成

崔燦天

崔聲遠

蔣世經

林攸榮

陳振興

蘇佐朝

顏可象

顏著

嚴祖恩

劉啟炎

王威震

楊應中

陳光辰

曾端奎

曾文光俱貢生

楊作棻

黃載精俱廩生

劉裔洪

吳從元

陳崑山

黃守琨

李伯棟

黃仁虬

梁恭承

林啟運

曾淶

李才經

王紹綱

王成裕

王朝聘

黃載裳

鄧秉權

劉石基

嚴鵬飛

莫蒼頤

梁建邦

春縣志

八

林自璇

林攸華

蘇龍彪

顏文華

顏樹槐

嚴鳳光

閑存業

謝家蘭

莊光文

劉英尹

黃雲龍

楊匡扶

藍國賓

蕭由英

龍世槐

張起燦

楊家讚

楊匡瑞

楊維中

吳昭優

張翼元

黃汝淳

以上庠生

嚴鵬翔

劉文光

李承用

陳開泰

陳光彤

吳垣豐

楊濂

陳恆昭

梁錦英

陳堯章

陳應占

吳驥

黃昌垣

梁超材

楊茂修

嚴奎光

嚴兼泗

羅文燦

莫光斗

莫為諾

莫來儀

薛存體

薛存周

謝恩錦

蕭德上

黎朝啟

黎廷贊

何應選

何應璣

何應鵬

崔亨俊

柯光泰

柯士豪

陳永夏

陳居邦

陳世璇

陳肇基

伍行瑞

陽春縣志

譚學業

鄭朝洸

林惠忠

林有斌

林啟獻

林福到

林國仕

林茂宗

呂益焜

李啟成

吳廷憲

陳世琳

陳有樞

陳國容

陳國裕

陳正和

陳振經

蘇停朝

莫如榮

莫時敏

梁耀圻

吳輔清

梁安策

黃衡珍

吳國藝

嚴啟德

嚴昌綸

謝宗輝

賴君

莊德植

黃孟誠

林作昂

曾普光

郭永年

李日菁

張成均

吳泰和

陸毓傑

汪衍東

李士相

李才超

劉啟章

李應春

劉宗生

湛源溥

陳尚熊

洗念文

劉宗垠

陳惠岸

王成贊

黃載清

黃于典

楊襄霖

王亨鵬

王肇緯

藍國瓚

藍國獎

袁德純

袁德昇

蕭文蔥

陽春縣志

十

吳昌仁

吳茲進

范基翬

范昌盛

范基禎

范卓培

伍學桐

劉世宣

劉士岱

王成遠

吳大觀

吳光惠

劉士芳

王國卿

王家湘

楊家祀

楊家福

楊家祚

黃寶珍

黃寶琇

黃寶璇

黃樹屏

楊匡瑤

黃敷光

黃載陟

吳昭恩

吳昭志

吳昭念

黃俊典

黃植炳

楊作標 吳茲亭 吳周來

黃天閻 黃于蔚 鄒雲旋

鄒雲霖 吳昌琢 吳昭遜

黃天及 楊永杰 楊家琮

楊振經 黃天羽 黃載悅

陳德勳 楊振淮 王成緒

王俊山 黃載政 黃式卿

黃式薰 黃載均 黃超英

楊振彩 黎朝選 王志端

劉士淮 張永德 曾道奎

陽春縣志

十一

張紹輝 李熙敬 李善宗

謝佐楓 林世滙 顏世鈞

梁恭嶽 李大光 李紹貽

李紹曠 李成郁 陳俸

張道新 黎曉峯 黎龍卓以上監生

朱懷珍 莫美德 林大成

黃載邦 楊匡薰 饒廷楷

雨天保 梁世炳 謝儒俊

林自翰 蘇瑞琳 蘇佚朝

梁朝仁 吳光三 廖光祖

謝 暉

謝 昊

黎嵩卓

以上職員

王定祿

陳 鳳

謝介川

謝 詵

唐元恭

吳雪溪

馬廷俊

麥世雄

黎子充

陳廷光

劉文彩

楊 浩

梁旭才

黃君朝

曾志欽

陳訐榮

黎廣禮

黎廣惠

黃天位

王位奇

林 新

陳致新

林自榮

林卓廣

林邦懷

吳啟德

梁天作

陽春縣志

三

曾經瀆

麥明遠

梁元盛

陳士寬

梁 渾

梁舟子

王斌伯

徐達仕

范昌盈

王文廣

王定傳

王俊昌

吳勝揚

龍孟光

龍映漢

謝華京

黎文光

李紹興

高益堂

以下皆商

蔣世可

黃裕吉

楊永盛

李日升

李仁和

勞泰昌

黎泰和

黎泰生

李浩昌

李安昌

劉成成

羅永昌

黎永興

李順昌

李長泰

黃泰盛

陳元亨

何泰益

李廣興

孔興源

陳寶昌

嚴永和

嚴麗源

關怡興

馮寶興

馮承裕

陳恆豐

羅永益

羅益源

葉寶和

李悠遠

蘇元利

嚴義利

羅元興

謝廣源

吳永興

謝和盛

李亨源

鄧同興

劉永源

劉廣福

易水縣志

三

王福順

王南盛

林裕隆

張福隆

陳賢昌

汪義昌

曾德厚

